

天  
一  
閣  
書  
目

天一閣書目卷三

子部

儒家類

九十一種六百六十二卷

兵家類

九種五十四卷

法家類

十一種八十三卷

農家類

三種十二卷

醫家類

一百二種六百六十九卷

天文類

十種六十二卷

術數類

六十七種二百八十五卷

藝術類

二十六種一百三十六卷

譜錄類

十一種六十二卷

雜家類

一百三十一種一千一百八十四卷

類書類

七十二種六千三百六十三卷

小說類

一百十六種六百二十二卷

釋家類

七十三種五百七十四卷

道家類

二百八十九種二千四百六十七卷

共計一千零十一種三千二百四十八卷

天一閣書目卷三之一

子部

儒家類

荀子二十卷

列本卷首有崑崙山人之印

○周荀況撰唐楊倞註

孔叢子三卷

列本

○陳勝博士孔鮒撰裔孫孔允植校孔

尙達等有序

新語三卷

列本

○漢陸賈撰明宏治壬戌錢福序吳郡都

穆記後云新語三卷凡十二篇歲久殘闕同年李仲陽

宰浙之桐鄉嘗得其本鋟之於木

新語二卷

列本

○漢陸賈撰明司馬公謙欽訂男光祿丞

諱大沖校刊并序

新書十卷

刊本

○漢賈誼撰明黃寶序云昔承乏選部偶

於京國書肆得賈太傅新書鈔本若干卷正德甲戌致

政堂居長沙郡守陸公以誼所著新書無傳檢郡齋故

續得版刻數十片計脫落尙多余出是木補刻遂成完

書

賈太傅新書十卷

刊本

○明柳陽何孟春訂註并序正德

十五年張志淳序正德己丑用公序

鹽鐵論十卷

刊本

○漢桓寬撰明吳郡都穆序云鹽鐵論

十卷凡六十篇漢廬江大守丞汝南桓寬次公撰其書

在宋嘗有刊本歷世既久寔以失傳新淦涂君知江陰之明年親民之暇手校是書仍捐俸刻之使學者獲見古人文字之全而其究治亂抑貨利以裨國家之政者則不但可行之當時而又可施之後世此固涂君刻書之意也涂君名楨字賓賢子同年進士

新序十卷

刊本

○漢劉向撰宋曾鞏序

說苑二十卷

刊本

○漢劉向撰宋曾鞏序

揚子十卷

刊本

○漢揚雄撰唐李軌柳宗元注卷端載景

祐四年宋咸進書表

五臣音註法言十卷

刊本

○漢揚雄撰唐李軌柳宗元註

宋咸吳秘宋司馬光增註

揚子法言十卷

刊本

○明趙大綱集註并序

山鑿五卷

刊本

○漢荀悅著明正德己卯吳郡黃省曾誌

并序云荀卿五十遊齊在襄王時爲老師被讒適楚處  
濁世著書數萬言而竟無所施究逮十三世而有悅其  
所遭之時如卿托疾隱居至建安初辟於豫府遷黃門  
侍郎時從弟或適守尙書令而孔融自山東徵來以是  
得同侍講中禁但政移曹氏雖有嘉猷將安用之悅恐  
意蘊終不得披露遂拾漢故新事及所欲獻替者爲申  
鑿五篇以奏余嘗悲其所遭而讀其書間窺其領要遂

爲之註淡旬而成共得萬四千餘言以笥藏之雖不能  
無搗竿求海之病而事可證引者亦畧具矣若其深詞  
奧義僞文脫簡則俟大方君子覽而正焉 正德十三  
年李濂序云按申鑒作於荀悅氏悅儉之子淑之孫也  
年十二能說春秋家甚貧生值靈帝時才智識猷阻而  
弗行乃退焉托病著書以自表見時人莫之識也所著  
有漢紀三十篇申鑒五篇崇德正論及諸論數十篇皆  
可傳而申鑒久無刻版余守沔陽乃刻之郡齋嘉靖癸  
巳張惟恕重梓

中論二卷

刊本

○陸友仁記後云中論二卷漢司空軍謀



祭酒椽屬五官將文學北海徐幹偉長撰有序文而無  
名氏幹鄴下七子之一人也建安之閒疾辭人美麗之  
文不能敷散道教故著中論辭義典雅當世嘉之按唐  
志六卷今本二卷二十篇宋大理正山陰石邦哲手校  
題識邦哲字熙明再世藏書至治二年得之錢塘仇遠  
氏明宏治壬戌黃華卿重刻進士都穆序

中論二卷

刊本

○漢徐幹撰明杜思重刊并序

忠經一卷

刊本

○漢馬融撰并自序鄭元注宋太原王安

國後序顧元緯跋

曹大姑女誠

刊本

○漢曹壽妻撰凡七篇并自序

中說十卷

刊本

○隋王通撰宋

歐陽文忠公撰

素履子二卷

刊本

○唐張弧撰

明司馬公撰

女孝經一卷

刊本

○唐朝散郎

程邈妻鄭氏撰

一十八章各爲篇目

司馬氏書儀八卷

藍絲闌鈔本

○以冠昏喪祭等儀分卷

太極圖分解

鈔本

○泰和羅鶴撰

二程全書十二卷

刊本

○明宏治戊午監察御史沁水李

瀚重刊并序是書采程氏家譜像贊揭於前取宋史程

珦傳及謚議制辭諸文繫於後凡六十五卷

張子遺書四卷

藍絲闌鈔本

○宋橫渠張憲公撰一作明公

近思錄十四卷

刊本

○宋朱熹呂祖謙同撰明戈陽汪偉

序云近思錄爲卷十四爲條六百二十二惟我文公與成公所銓定近時刻本旣多淆亂建安葉采有集註代郡楊伯巖有衍註皆未能深有所發明偉承乏成均忠諸士枝葉繁而本根昧思有以易之乃與同寅中允景伯時取是編考定其條件正其謬誤繕寫刻之以復于舊刻且半諸生盧襄偶得宋本取以相校良合時正德己卯歲秋九月旣望

遺書十冊

刊本

類大全一百四十卷

刊本

○宋導江黎靖德類編

明成化三山陳煒校刊安成彭時序云文公傳註成言  
固已家傳人誦矣一時門人進而請益退而各記所聞  
如此者殆百餘家蜀士李道傳始取而刻之爲語錄莆  
田黃士毅又因而類分之曰語類語錄之外有續錄後  
錄別錄語類之外有續類諸書並行錯出讀者病焉最  
後道江黎靖德叅校諸書去其重複謬誤因士毅門目  
以類附焉名曰語類大傳凡一百四十卷版本今不復  
傳三山陳君煒自天順庚辰第進士爲御史屢欲訪求  
善本而不得成化庚寅副憲江右始訪于豫章明祭酒  
頤菴先生家得印本中缺二十餘卷明年分巡湖東又

訪于崇仁吳聘君康齋家得全本而缺者尙一二合而  
校補遂成全書謀于憲使巖郡余公公倡同寅捐俸并  
勸部民之好義者出資以相其成陳燁張元禎均有後  
序

朱子大全私鈔十二卷 刊本 ○明嘉靖臨海王宗沐編次

海寧朱有孚序

讀書日程二卷 刊本 ○宋朱子撰

經濟文衡二十五卷 刊本 ○宋朱子撰明石滌楊一清編

小學六卷 明嘉靖福建刊本 ○宋朱子撰

小學章句四卷 刊本 ○王雲鳳著首列朱子題辭

東萊先生雜說三卷

藍絲闕鈔本

東萊先生博議十六卷

刊本

真文忠公讀書丁記重雕二卷

刊本

○明嘉靖十三年婺

源潘璜序

渠陽讀書雜鈔五卷

藍絲闕鈔本

○宋魏鶴山先生撰

古今考二十卷

鈔本

○宋魏鶴山撰其自序謂西漢諸儒

去古未遠已不能盡識三代遺制叔孫通作漢禮器制

度其所臆度者無以名之則曰猶今之某物孔賈諸儒

疏義又謂去漢久遠雖漢法不可考至晉以後卽名物

稱謂字義音釋亦鮮有存者古制益不可考矣姑卽漢

記隨文辨證作古今考云紫陽方回萬里續成并序後  
北溪先生字義二卷 刊本 ○宋陳淳撰淳祐丁未門人王

微編次并序

自警編九卷 刊本 卷首有東明山人之  
印萬古同心之學二圖章 ○宋趙善瑛撰并

自序林庭樞序莊一俊後序

省心詮要一卷 刊本 ○宋林通撰天順六年空谷景隆序

云正統戊辰冬杭城方彥和示孤山林和靖先生所著

省心詮要覽之皆治心之樞機也國八梓以壽其傳東

溪王清序後

性理羣書句解二十三卷 刊本 ○宋熊節編熊綱大註

孔子集語二卷

刊本

○宋薛據撰明司馬公諱欽訂

履齋示兒編二十三卷

藍絲關鈔本

○宋廬陵孫奕撰并序其

書立總說經說文說詩說正誤雜記字說凡七條

鄭氏家範

刊本

○宋浦江鄭綺撰明翰林張翥序

理學類編綱目八卷

刊本

○元至正丙午臨江張九韶撰

并序是書取程周張邵朱子之書輯其有關於性理者

分天地鬼神人物性命及辨異端之學凡五類前載臨

川吳當序文

日損齋筆記

藍絲關鈔本

○元黃潛撰至正甲午宋濂序云昔

者宋景文公祁嘗著筆記一編以釋俗考古雜說析爲



三門而上虞李衍指其瑕疵者七條近代紫陽方公回亦著筆記一百六十餘則而河南張恒時斥其非二公素稱該洽而其所失有如斯者必若公之此書然後庶幾無遺憾焉濂從公遊者最久既受此編以歸乃私序

卷端

諸儒講議二卷 刊本 ○明外翰董遵道編宏治甲子豐城

楊廉序是書集宋元諸儒所講共六十九篇首朱子玉山講文次陸象山白鹿講義次呂東萊春秋講義又次則黃勉齋以下諸儒之說皆朱子之傳派也戊午臨海孫銳識後

諸儒文要八卷

刊本

○第一卷周濂溪程明道程伊川張

橫渠先生文第二第三第四卷朱晦菴先生文第五卷

陸象山先生文第六卷張南軒楊慈湖陳白沙先生文

第七第八卷王陽明先生文不著編輯人名氏卷末載

武進陳奎鏤版

聖學心法四卷

刊本

○永樂七年御撰

遺言纂要十卷

刊本

○明白沙陳先生撰門人張詡纂宏

治乙丑序

要書八卷

刊本

○明王守仁撰陳龍正纂并序

則言二卷

刊本

○明王守仁撰薛侃序

良知同然錄二卷 刊本 ○明王守仁撰

遵道錄十卷 刊本 ○明湛若水撰并序

約言十卷 刊本 ○西原薛蕙著嘉靖乙未李宗樞序云約

言何爲者也毫郡薛西原所作何作乎約言正學也爲天道爲性情爲潛龍爲時習爲君道爲學問爲君子爲立言爲春秋其爲篇也九其爲致也一其旨宏其義正其該物也廣而不遺其究理也實而不迂言約而天下之理備矣聖人之學闡矣正矣上焉孔氏罕言之妙無言之蘊蓋亦具乎其中矣其孰能與于此夫君子之言道也獨則相發同則相因相發者其言約以明相因者

其言煩以襲是書之作無勦說無贅辭無素隱約言焉  
以正學以發明斯道其聖人之徒與家郡呂景業後序  
約言十卷 刊本 ○明湛若水撰廬陵黃如桂序

夜行燭書一卷

紅絲關鈔本

○不著撰人名氏卷末載明正統

歲次戊辰正月十八吉日鎮守南京太監袁誠書永遠

流傳於世

讀書劄記一卷

鈔本

○明河東文清公薛瑄撰門人莆陽

杜華序

薛文清公要語外篇一冊

刊本

○明薛瑄撰鄭洛跋呂煥

後序

士翼四卷

刊本卷首殘闕

○明崔銑撰張洵識後

胡梅溪居業錄一冊

刊本

○明餘干敬齋胡居仁撰同里

陳憲重刊序後

交山迂論七卷

監絲闕鈔本

○明括蒼王廉撰自序云嘗輯先

儒論著之不同者而折中之得若干卷各論之下附以

已斷名之曰書海通辨讀三禮日纂其要疑者疏之得

若干卷名之曰三禮纂要讀左氏傳元者鈎之得若干

卷名之曰左傳鈎元又嘗於經史平日有疑於衷者別

爲論斷得若干篇然其說散見於別集不能總一使觀

者倦於檢閱今攬據通辨纂要鈎元論次之明著并經

史辨論台之得若干卷以其論次迂闊因名之曰迂論

慎言集訓二卷

刊本

○明清江敖英撰錢塘楊祐跋

道在編二卷

刊本

○明常郡陸奎章撰

尊聖錄一卷

刊本

○明通郡陳堯撰并自序

成均語錄十卷

刊本

○明國子監丞王維城等編輯內有

錢謙益序業已刊

友問集十卷

刊本

○明吉陽某撰浙省督學阮山峯刊金

陵葛清序

困知記四卷

刊本

○明羅允升整菴撰黃芳序

道一編五卷

刊本

○明程敏政撰永豐聶豹序

天一閣書目  
性理要剛三卷

刊本

○明黃洪憲纂吳文光參程登對閱

周曰校刊

女訓一卷○正德戊辰御製序

聖功圖一冊

刊本

○明嘉靖十八年禮部尙書霍韜吏部

考功郎鄒守益等奏進以裨東宮聖學之功由東布政

王應鍾序

涇野子二卷

刊本

○明呂柟撰嘉靖二十七年戊申門人

呂顓序馬汝彰後序云漢左輔定原呂公乃先生門下

士也一日出涇野子外編數卷相示曰此吾師應酬之

作皆至理存焉吾將校而託諸梓與內編並傳于其序

之余聞先正有言我朝仕途中能以理學爲務者惟薛  
大理一人寥寥百年接文清之心印闡理學之正宗非  
先生其誰望哉

訓蒙大意十八卷

刊本

○明孫三錫撰崇禎癸未成勇序

童蒙須知一卷

烏絲關鈔本

○不著撰人名氏卷端有小序

教家要畧一冊

刊本

○明姚儒撰并自序

管氏弟子職

程伯子一卷

刊本

四明薛氏端室錄

刊本

○明嘉靖十二世孫薛晨編刻并

序



倫理至言四卷 刊本 ○顏章其輯

茲所李先生語畧一卷 刊本 ○莆田李德用著男多見錄

勤忍百箴考註四卷 刊本 ○四明許名奎撰

敬一錄二卷 鈔本 ○河陽趙士麟撰金容梁永淳輯

明儒論宗 刊本 ○毘陵方山薛應旂批點

徐勿箴先生省身錄一冊 刊本 ○國朝桐鄉錢枋慈谿王

量同校

聖學入門書一卷 刊本 ○國朝陳瑚確庵撰

省過錄一卷 刊本 ○國朝康熙元年王芝封撰并序

慶符堂理學就正言 刊本 ○國朝康熙戊午浙西祝文彥

撰蕭山管鳳來序

海昌會語一冊

刊本

○國朝康熙十五年朱爾邁等同集

武林會語一冊

刊本

○不著撰人名氏

理學辨一卷

鈔本

○國朝康熙二十四年王庭撰

兵家類

黃帝陰符經集注一冊

蘇紙藍絲  
闕鈔本

黃帝陰符經演一冊

刊本

○不著編書人姓名

風后握奇經一卷

刊本

○漢丞相公孫宏解

孫子集註十三卷

刊本

○明嘉靖乙卯錫山談愷刊序云

歐陽文忠公撰四庫書目言孫子註二十餘家子所見

僅此漢有曹操唐有杜牧李筌陳皞孟氏賈林杜佑宋  
有張預梅堯臣王皙何氏諸家操嘗別爲新書今不傳  
而見于李肅公問答者機權應變實本之孫子其註多  
隱辭引而不發杜牧未嘗用兵觀其與時宰論兵二書  
謂兵柄本出儒術援古証今其言足用陳皞註多指摘  
杜之謬誤人各有見未必爲樊川病李筌註依太乙遁  
甲雜引諸史以證太乙遁甲與今所存書往往不同孟  
氏賈林杜佑卽唐紀變所集者張預取歷代各將用兵  
制勝編次爲傳於孫子多所發明梅堯臣註文忠公謂  
其當與三家並傳腰翁有定論矣王皙何氏皆于觀者

有所裨益此註之所以集也予奉命督軍虔臺進武弁及生儒問之無有知是書者故授之梓以廣其傳

虎鈴經二十卷

刊本

○宋許洞著并表自序云虎鈴經者

將軍之事也臣素好奇正之變由是而言之也自古兵法多矣然孫子之法奧而精使學者難於曉用諸家之法膚而淺或用者喪於師律淺深長短迭爲表裏酌中之理誠難得焉又觀李筌所著太白陰經論心術則祕而不言談陰陽則散而不備以是觀之誠非具美臣今上采孫子李筌之要明演其術下撮天時人事之變備舉其占或作於己見或述於古人名曰虎鈴經然則奇

謀詭道或不合于六經既爲兵家要用故必貫穿條縷以備載之六壬遁甲星辰日月風雲氣候風角鳥情雖遠于人事亦不敢遺漏焉至於宣文設奠醫藥之用人馬之相得有補于軍中者莫不具載自爲一家之言創意于辛丑之初成文于甲辰之末其書二百一十篇分爲二十卷成于吳郡鳳凰里明司馬公諱欽訂

古今將畧四卷

刊本

○明樵李馮時撰并序

武經七書六卷

刊本

○明嘉靖崇明恒齋施一德經

武經七書七卷

刊本

○國朝西陵汪桓訂

什伍法一卷

刊本

○無願行年月

法家類

鄧析子二卷

刊本

○周鄧析撰左傳定公八年駟歇爲政

明年殺鄧析而用其竹刑卽是書也 睢陽朱夏日南

書後

商子五卷

刊本

○秦商鞅撰明司馬公校刻

韓非子三十卷

刊本

○周韓非撰卷端載韓非子小傳及

各家評語

韓子迂評二十卷

刊本

○明門無子評元何玆校進本卷

端有至元三年進書表

疑獄錄十卷

刊本

○五代和凝撰子和蒙補成元至元十

天一閣書目

▲

子部

法家類

十四

年楊澄覆校陳柏序

洗冤錄五卷

刊本卷首有天一閣  
左司馬氏二圖章

○宋淳祐丁未提刑宋

慈惠父撰嘉靖丙午東牟王吉序

風紀集覽四卷

刊本

○明傅漢臣撰并自序其書分四類

一聽斷二相檢三擬議四發落

祥刑要覽一卷

刊本

○明正統壬戌左副都御史海虞吳

訥撰并序

王恭毅公駁稿二卷

刊本

○明王槩撰高銓編并序

慎刑錄四卷

藍絲關  
鈔本

○明王士翹撰自序云奉命按粵西

行諸郡邑錄獄囚至人命往往有初檢不明經五七覆

未定者乃彙洗冤錄風紀集覽明冤節要疑獄集祥刑  
要覽諸書取其最關人命者爲四卷首二卷檢法三卷  
疑獄四卷法戒存焉

農家類

齊民要術十卷

刊本

○後魏高平太守賈思勰撰并自序

其書起自耕桑終於醢醢資生之業靡不畢書凡九十  
二篇分爲十卷卷首皆列目錄於文雖繁尋覽甚易

農書六卷

刊本

○元王禎撰嘉靖十九年重刊

救荒本草四卷

醫家類



黃帝素問靈樞經十二卷 刊本 ○紹興乙亥錦官史崧序

云昔黃帝作內經十八卷靈樞九卷素問九卷廼其數焉世所奉行惟素問耳僕本庸昧自髫迄壯潛心斯道頗涉其理輒不自揣參對諸書再行校正家藏舊本靈樞九卷其八十一篇增修音釋附于卷末勒爲十二卷庶使開卷易明了無差別

內經素問十卷 刊本 ○明吳梯校正林億等有進書表

讀素問鈔三卷 刊本 ○不著編書人姓名卷首載林億進

書表

註解傷寒論四冊 刊本 ○漢張仲景著宋成無已註晉王

叔和撰次明汪通值校正

仲景大法二卷

刊本

王氏脈經六卷

刊本

○晉太醫令王叔和撰宋林億等類

次并序云臣等承詔典校古醫經方書所校讐中脈經

一部乃王叔和之所撰集也叔和西晉高平人性度沈

靖尤好著述博通經方精意診處洞識脩養之道其行

事具唐甘伯宗名醫傳中觀其爲書一本黃帝內經閒

有疏畧未盡處輔以扁鵲仲景元化之法其餘奇怪異

端不經之說一切不取今則考以素問九墟靈樞太素

難經甲乙仲景之書并千金方及翼說脈之篇以校之

除去重複補其脫漏其篇第亦頗爲改易使以類相從  
博士高保衡尙書屯田郎中孫奇光祿卿直祕閣林億  
等謹上

脈訣八卷

刊本

○晉王叔和撰四明張世賢註

脈訣琮璜附方一卷

鈔本

○晉王叔和著

巢氏諸病源候總論五十卷

刊本

○隋大業中太醫巢元

方等奉詔撰宋綬序云是書會粹羣說沈研精理形脈  
之證罔不該集翰林醫官副使趙拱等參校既終繕錄  
以獻

諸病源候論五十卷

刊本

○隋巢元方撰明汪濟川校

孫真人千金要方二冊 刊本 ○唐孫思邈撰宋林億校正

銅人鍼灸經二卷 刊本 ○不著撰人名氏正統八年御製

序嘉靖十三年許紳跋

錢氏小兒直訣三卷 刊本 ○北宋錢乙撰閻孝忠集薛鑑

校注

傷寒微旨一卷 鈔本 ○宋洪川韓祇和撰許昌滑壽校

經史證類本草三十卷 刊本 ○宋唐愼微撰政和六年曹

孝忠編

壽親養老書四冊 刊本 ○第一卷爲宋陳直撰第二卷以

後乃元大德中泰寧鄒鉉續增與直書合爲一編

急救仙方十一卷

繅紙藍絲  
關鈔本

○不著撰人名氏金川徐守

真編并序

脾胃論三卷

刊本

○金東垣老人李杲撰遺山元好問序

殘

東垣十書十冊

刊本

○金東垣山人李杲撰元好問序

東垣藥性賦一卷

刊本

○宏治己未徐鐸序

傷寒直格方六卷

刊本

○金劉完素撰臨川葛雍編校

泰定養生主論十六卷

刊本

○元滿虛子王中陽撰徐繁

等有序

養生主論痲症方法一卷

刊本

○元洞虛子王中陽著

丹溪朱先生醫案一冊 刊本 ○元朱震亨撰

丹溪纂要四卷 刊本 ○元朱震亨撰

丹溪心法三卷 刊本 ○元朱震亨撰 楊楚玉類集程敏政

等有序

活人指掌四卷 刊本 ○元吳恕輯吳文炳增補

藥方并論四卷 刊本 ○元王隱君撰

外科精義二卷 刊本 ○元齊德之纂馬雲卿校

薛氏醫案四十冊 刊本 ○明薛己撰薛鎧校刊

薛氏醫錄二卷 刊本 ○明薛己著萬歷甲辰李汝華序

家居醫錄二卷 刊本 ○明薛己著范慶等序

內科摘要二卷

刊本

○明吳郡薛己撰無序

外科發揮五卷

刊本

○明薛己撰張淮等序

內外摘要二卷

刊本

○明薛己編集

正體類要二卷

刊本

○明吳郡薛己著陸師道序

口齒類要一卷

刊本

○明吳郡薛己著

本草綱目五十二卷

刊本

○明李時珍輯張鼎志序

神農本草經疏五冊

鈔本

○明繆希雍撰

脈學奇經八卷

刊本

○明李時珍撰自序云先考月泉翁

著四珍發明八卷皆精詣奧室淺學未能窺造珍因撮

粹擷華僭撰此書以便習讀爲脈學指南

恕齋原病集一冊鈔本 ○嘉定唐椿著并序

原病集八冊刊本 ○明吳良彙纂

裴子言醫三卷刊本 ○明裴一中著并序

吳梅坡醫經會元一冊刊本 ○吳嘉言著 男學易姪學問

門人韓師文等校刊

程齋醫鈔撮要五卷刊本 ○明盛端明編纂并序

醫學綱目三十八卷刊本 ○存卷一至卷七

醫學集成十二卷刊本 ○不著撰人名氏

醫學統旨十四卷刊本 ○不著撰人姓名 嘉靖乙未王朝

用序



醫學各種子十卷

刊本

○明錢塘盧復正

廣嗣全訣二十卷

刊本

○秀水陳文治輯

完訣一冊

刊本

○明丁從堯撰并序

原機啟微集一冊

刊本

○明倪維德撰

玉機微義十冊

刊本

○明徐用誠撰延平黃焯重刊

體仁彙編四卷

鈔本

○廬陵彭用光撰明蔡經序

國醫宗旨四卷

刊本

○明梁學孟著并序

入道始終一卷醫印三卷醫驗一卷

刊本

○祝茹寧著順

治庚子金之後等序

活人心法二卷

刊本

○明元洲道人涵虛子編嘉靖二十

九年陝西布政司葛守禮重刊

醫經小學六卷

刊本

○明劉純撰

醫學入門七卷

刊本

○明李梴纂并序

醫學指南四卷

刊本

○不著撰人名氏

醫醫鈐法五卷

刊本

○明陸嶽著并序費兆元序

增刻醫便二卷

刊本

○不著撰人名氏明沈一中序

傷寒明理續論六卷

刊本

○明陶華著并序

傷寒症治明條五卷

刊本

○王震編集

傷暑全書二卷

刊本

○明張鶴騰撰彭期生叙

諸症辨疑四卷

鈔本

○不著撰人名氏

奇效良方二十冊 刊本 ○明方賢纂并序

攝生衆妙方十一卷 刊本 ○明四明張時徹編

醫方選要十卷 刊本 ○明周文采編輯并序

醫方考八卷 刊本 ○明吳崑著并序

體仁彙編試效要方六卷 刊本 ○明廬陵彭用先編按察

使蕭晚校刻翰林南平游居敬序後

急救易方四卷 刊本 ○吳郡趙季敷編集成化己亥高崇

本序

袖珍方四卷 刊本 ○不著撰人姓名

海藏拙奇一卷 鈔本 ○不著撰人名氏

二神方一卷 鈔本

易簡經驗方二冊 刊本 ○明邵訥輯 李汝華序

陰方集錄一冊 鈔本 ○不著撰人姓名

瘧痢神治方一卷 刊本 ○萬歷己酉沈泰鴻序

瘧火點雪二卷 刊本 ○明龔居中著并序

外科精要三卷附錄一卷 刊本 ○明陳自明編薛己校註

### 王詢序

外科集驗十一卷 藍絲關鈔本 ○浚儀趙宜真集吳有壬序

外科選粹一冊 鈔本 ○不著撰人姓名

癘瘍機要二卷 刊本 ○明薛己著沈啟原序

治癩瘰症一卷

鈔本

○卷首載胡來庭家藏

錢氏藥英四卷

刊本

○明四明高武撰并序

保幼大全二十卷

刊本

○明朱臣編并序

保赤全書二卷

刊本

○萬歷丁酉管橘序

嬰童百問五卷

刊本

○魯百嗣學嘉靖壬寅嚴嵩序許讚

### 有進書表

育嬰編一卷

刊本

○國朝陳卓編胡文學序

活幼便覽二卷

刊本

○明劉廷得輯吳渾序

秘傳經驗痘疹治法

一冊

烏絲欄鈔本卷首

○黃廉造

痘疹全書十卷

刊本

○明黃廉編并序

痘疹方論二卷

刊本

○明四明萬邦孚選集

允產全書六卷

刊本

○明雲間陳繼儒輯

本草集要三卷

刊本

○慈谿王綸撰

本草集要八卷

刊本

○明王孚撰王綸序

本草權度三卷

刊本

○不著撰人姓名

本草摘要一卷

刊本

○姚江邵訥輯晉陵龔道立序

藥性彙評四卷

刊本

○明許希周編并序

食品集二卷

刊本

○明吳祿輯嘉靖丁酉沈察序

養生大要一卷

刊本

○吳某撰羅賢序云諸物之性或養

生或傷生或暖而寒毒而溼燥而甘固皆原於醫祖神

農之所嘗製以傳諸後世但雜記於百家醫書難於便覽錦衣千帥吳君嘗綜其切要分爲十門凡可食之物與相反之性罔不悉備予經潁川君於客邸出是帙因贊諸末簡

傷寒五法四卷

刊本

○國朝石楷撰并叙

天文類

乾坤變異錄

七卷

藍絲闌鈔本每卷首有東明外史圖章

○唐貞觀七年司

天監李淳

風纂并序

革象新書二卷

刊本

○宋趙敬著明嘉靖戊午四明張淵

序云司天之學世鮮其繼矣革象一書乃趙緣督先生

所輯真邇天之奧義也愚嘗備官爾曹偶得舊帙於敝肆中命官工重梓以廣其傳 宋濂王禕均有序

天文分野之書二十四卷 刊本 ○不著撰人名氏

天文會元十二問 藍絲關鈔本每卷首有東明外史范氏圖書之記二圖章 ○不著編

書人名氏卷首序云堯命羲和揭星鳥星火星虛星昴之象示人使人知二至二分以行四時不幸而占候之說起持吉凶惑人紛紛然務爲妖妄是以刑綱禁之謹按占候之學起於春秋戰國其時所謂精於其道者梓慎裨竈之徒耳而或中或否臣之所作正欲學者識垂象授時之意而杜絕其妖妄之源隋丹元子步天歌句



中有圖言下見象或約或豐無餘無失又不言休祥是深知天者今之所作以是爲本

紫微斗數一卷

刊本

○不著撰人姓名

瓊璣五星四卷

刊本

○盱江王文獻編著

歷通要覽一卷

刊本

○錫山王瑛序

算法大全十卷

刊本

○明吳敬編集

授時歷算掃要一冊

刊本

○明嘉靖丁亥顧應祥編并序

云前元王恂郭守敬所著授時歷則專以測驗爲主較諸家所撰歷書特爲精密我朝行之三百餘年至今無弊政務之暇取其舊書大較錄爲一冊

天元歷理鈔本存卷一十一至二十五餘缺 ○國朝嘉水圃臣徐發著

術數類

潛虛一冊刊本 ○宋司馬光撰明司馬公諱欽訂

潛虛發微論三卷刊本 ○宋左朝郎監察御史張敦實撰

皇極經世外篇衍義三卷刊本 ○宋邵伯溫撰咸淳乙丑

余學古序

皇極經世書卦數元元傳藍絲屨鈔本 ○宋康節先生傳連山

易於山林隱德之士以天一地二天三地四天五地六

天七地八天九地十分十等日元會運世歲月日時分

杪作皇極經世書自元至時隸之卦而分杪行乎八卦

之間有卦有數天地人物皆囿於其中而卦數則窮物之極物之變雖鬼神之不測天地之無窮亦不能逃焉元之又元故曰元元集

皇極經世

范氏鈔一卷

藍絲關鈔本 ○宋楚東祝泌撰

天原發微辨正 ○宋魯齊鮑雲龍著明天順辛巳歙西鮑氏耕讀書堂刊凡例云魯齊鮑先生雲龍著天原發微二十五篇擬易天傳天數二十有五又散爲八十四條擬易卦八十四爻可見此書全本于易前元元貞閉已刻梓盛行惜類聚有法而選擇未精此辨正所以作也辨正大節目如太極篇蔡節齋以無極解易字又謂易

乃太極所自出魯齋謂易在兩儀萬化之先天樞篇馬融指北辰爲太極等語象數篇以渾淪言太極以河圖生成數分陰陽以河圖四正配四陽卦主意皆與朱子異愚于太極河圖各著總論于下其餘則隨文見義而辨正之各見本篇下按魯齋虛谷戴元表三序所云太極之判與太極渺茫之始等語未免猶襲漢唐之失于于太極辨正中已采吳文正之言以正諸儒之誤復深求朱子邵子之說而剖析于下

萬物數一卷

刊本

○紹定壬辰巴蜀王啟真序云是數心

印出於漢赤腳仙人不知其名氏

數書一卷 鈔本 ○不著撰人名氏

範圍數六卷 刊本 ○不著撰書人名氏

數書探賸四冊 數書索隱五冊 數書鉤深三冊 數書致遠

二冊 烏絲闌紙鈔本 ○不著撰人名氏

靈臺秘苑二卷 鈔本 ○北周太史中大夫新野庾季才原

撰

天元玉歷祥異賦七卷 刊本 ○不著撰人名氏

天文祕苑占一卷 烏絲闌紙鈔本 ○不著撰人名氏

占候祕訣一冊 絲紙紅絲闌鈔本殘 ○不著撰人名氏

宅經二卷

游年定宅書一卷

刊本

○明梁志盛著并序

陽宅傳心四卷

刊本

○許明輯康熙癸丑自序男榮續補

脩方涓吉符一冊

刊本

○明屠本峻輯

符經一卷

殘

地理雪心賦四卷附諸賢歌訣四卷

刊本

○唐童貢卜則

魏著明新安謝于期逸士范越鳳註星沙凝虛谷一清

贊甫編集雲軒余廷甫刊成化壬寅新安程敏政序

地理統會大成二十四卷

刊本

○宋賴文俊撰柯佩編輯

地理大成十五卷

刊本

○宋采山伯謙賴文俊撰明月潭

山人柯佩編輯任齋塗澤民序云宋布衣賴伯謙撰催

源戴中丞晉齋姜學士暨予不敏皆常用之有奇驗者

地理發微一卷

刊本

○宋蔡發著謝昌註姚文灝朱昱俱

有序宏治六年李傑序云宋牧堂蔡先生以儒者而深  
於地理之術所著發微十六篇一本景純而衍其所未  
備末言感應之機由於積德足破野師禍福之說

地理發微釋義二卷附問辨十條

刊本

○宋蔡發撰淳熙

二年建安熊大剛序明宏治壬子鄱陽余祐序

明圖穴情賦

卷刊本

○宋蔡成禹著

千金口訣二卷

刊本

○明宏治辛酉文峯堂刊

地理大全十三卷

刊本

○明江南范越鳳星沙谷一清贊

天一閣書目

子部

三

父同編建安周雲翔伯湘中趙至和清甫集雲軒余廷

甫重刊

地理大全鴻囊經二十二卷

刊本殘

新刊千金風水殺法妙訣

刊本

○不著撰人名氏明宏治

辛酉文峯堂刊正德二年七月十二日校正通行

地理珍要一冊

刊本

○明魯氏撰嘉靖五年魯翁序云魯

君余同年也所集地理珍寶樞要二書余皆刻之總名

之曰珍要

地理大全土牛經一冊

刊本殘

○趙清甫輯

人子須知地理心學統宗

刊本殘

○徐繼善繼述同著



劉氏一粒粟葬法一卷 鈔本 ○不著撰人名氏

地理八山斷一卷 縣紙鈔本卷首有東明山人之印 ○不著撰人名氏

地理樞要四卷 刊本卷首有藏書屋圖章 ○不著撰人名氏

地理分合總論三卷 刊本 ○蘭谿宋震撰章拯胡僖校何

遷序

地理天機會元十二冊 刊本 ○魏天應著顧乃德序

地理括要一冊 刊本 ○明李經綸註釋張天復序

地理真機十五卷 刊本 ○不著撰人名氏

地理參贊元機二卷 刊本 ○明張鳴鳳編王世貞史起欽

均有序金達杜詩等校

地理大成通書三十六卷○明金谿峨山喻昂撰東沙張其綱序云世俗于風水家皆察其山川形表而于理氣不相蒙涉故天星嚮頭宜相經緯也選擇日期者皆避其神煞虛謬而于造化全無補完故運氣卦律宜相錯綜也是書三十六卷復撰造命樞要掛綱首卷以象三百六十五度四分之一分十三冊每冊三卷以象三才一歲成數也名曰監歷造命大成通書新語

地理正宗集要八卷

刊本

○明馬廉築註萬歷甲戌郭造

卿序

經緯選擇全書一冊

絲紙鈔本

○明曾嘉璞撰岡南牧夫

青雀集二卷 刊本 ○明王穉登撰王世懋序

三才一貫地理真機二卷 刊本 ○劉陶祁校正許冑輯

地理玉鑰三元二卷 刊本 ○不著撰人名氏

地理直說一冊 刊本 ○不著撰人名氏四明史起欽序

地理心法二卷 刊本 ○楊芸著章應成註郝承紀序

造福祕訣三卷 刊本 ○明吳天洪著史起欽序

演禽青囊五卷 刊本 ○不著撰人名氏

天文地理集二卷 刊本 ○明四明陸健編劉汝楠序

靈棋經一卷 刊本 ○晉顏幼明宋何承天註元陳師凱解

明劉基解并序云昔者聖人作易以前民用靈棋象易

而作者也易道奧而難知故作靈棋以象之靈棋之式以三爲經四爲緯三以上爲天中爲人下爲地上爲君中爲臣下爲民四以一爲少陽三爲太陽二爲少陰四爲老陰少陽與少陰爲偶而太陽與老陰爲敵得偶而悅得敵而爭其常也失其道而偶反爲仇或得其行而敵反爲用其變也陽多則道同而相助陰多則志異而相乖君子小人之分陰陽迭用體有不同而名隨之異變易之道也易之取象曰車曰馬曰天曰鬼曰狐之類推而達之天下之物莫不包也曰馬矣而以爲龍曰水矣而以爲雨變易之義也非通天下之賾者不識也故

曰靈棋象易而作者也非精于易者不能也余每喜其  
占之驗而病解之者不能盡作之旨故申其意而爲之  
言若夫以爲黃石公之授張子房之傳則史氏無其實  
不敢從而傳會之也唐李遠馬震俱有序

神課金口訣六卷

刊本

○余川遽然子撰并序

周易占法節要二卷

刊本

○許本清撰并序

大六壬無惑鈴一冊

絲紙鈔本殘

○不著撰人名氏

遁甲日用漏言奇門五總龜三卷

兩卷爲一藍絲關絲紙鈔

○不著

撰人名氏

遁甲奇書一卷

絲紙鈔本

○不著撰人名氏

人象大成一冊

鈔本

○明袁忠徹序云太宗文皇帝在潛

邸時乃遣典膳井泉等齎楮帛以聘示觀相人之書論  
之曰夫三才者天地人是天有天文之書地有地理之  
書人稟五常靈于萬物古之善相者亦各有書當集爲  
一家名之曰人象大成爾父袁廷玉屢受異人之傳得  
相人之妙爾就克紹承家學當究心是書今特命爾與  
內使哈喇帖木識字人朱秀沈淳壽士白哲以類編書  
成錄進奏述聖諭于編端

相宗彙要三卷

刊本

○國朝康熙庚申范騷著沈荃序

陰陽雜法一冊

刊本

○不著撰人名氏

法源粹旨一卷

刊本

○甬上毛雲鷲雲鷲著俱有序

性齋陰陽總要一卷

刊本

○四明光溪王顯孫編

記師口訣節文一卷

刊本

○不著撰人名氏

編集檢擇家傳祕訣一冊

藍絲闌鈔本

○不著撰人名氏

頰仙心印一卷

刊本有天一閣東明山人之印二圖章

○不著撰人名氏

陰陽備用三元節要一冊

刊本

○天黨壺邑王履道纂集

古今紀夢要覽四卷

刊本

○明郡陽童軒撰南郡趙雲龍

校

藝術類

古畫品一卷續畫品一卷筆法記一卷

藍絲闌鈔本

○古畫品

南齊謝赫撰續畫品陳吳興姚最撰筆法記唐荆浩撰  
末附沈括存中圖畫歌

述書賦二卷

烏絲闌鈔本

○唐竇泉撰其兄蒙注嘉靖乙酉楊

士雲序云竇員外述書賦自周史籀迄唐乾元之初評  
品與喻猶衛王也書評而下亦咸有議厥兄司業稱其  
精窮要旨詳辯秘義信矣而唐史不載時川先生得寫  
本於升菴先生梓之蓋欲與衛王之論並傳於世云爾

歷代名畫記十卷

鈔本

○唐河東張彥遠撰無序跋

墨數一冊

藍絲闌鈔本

○唐韋續纂宋周必大題

益州名畫錄三卷

刊本

○宋江夏黃休復纂景德三年虞



曹員外郎李佃序曰益都多名畫富視他郡謂唐二帝播越及諸侯作鎮之秋是時畫藝之傑者無處不有迨淳化甲子盜發二川焚劫畧盡黃氏心鬱久之故自唐乾元初至皇宋乾德歲其閒圖畫之尤精取其目所擊者五十八人品以四格離爲三卷命曰益州名畫錄

圖畫見聞志六卷○宋郭若虛撰并序曰余大父司徒公喜廉退恬養自公之暇惟以詩書琴畫爲適時與丁晉公馬正惠蓄書畫故畫府稱富焉又好與當世名手甄明體法講練精微凡所見聞悉從實錄昔唐張彥遠嘗著歷代名畫記其閒自黃帝時史皇而下總括畫人姓

名絕筆于永昌元年厥後撰集者幸多相亂事既重疊  
文亦繁衍今考諸傳記參校得失續自永昌元年後歷  
五季通至本朝熙寧七年名人藝士編而次之並嘗覽  
諸家畫記多陳品第今之作者互有所長不復定品惟  
筆其可紀之能可談之事暨諸家畫說略而未至者繼  
以傳記中述畫故事并本朝事迹採摭編次離爲六卷  
目之曰圖畫見聞志

米海嶽畫史○宋米芾撰并自序

宣和畫譜二十卷

監絲閣  
鈔本

○宋徽宗御撰大德壬寅延陵

吳文貴識云宣和書畫譜乃當時祕錄未嘗行世近好

古雅德之士始出以資證往往更相傳寫訛舛滋甚余竊病之暇日博求衆本與雅士參校十得八九遂鈔諸梓以廣其傳

廣川書跋十卷

鈔本

○宋董道著紹興丁丑子彞序

畫繼十卷

刊本缺前四卷

○宋鄧椿撰

書苑菁華二十卷

鈔本

○宋錢塘陳思纂次

書苑菁華撮要一冊

藍絲闌鈔本

○不著撰人名氏

古今書繪寶鑑六卷補遺一卷

刊本

○宋吳興夏文彥士

良撰并自序石村李志遠訂正夾峯王守中校刊會稽

楊惟楨長山王雄序首

名畫評三卷○明大梁劉道醇纂并自序

畫鑑一卷

紅絲闌鈔本

○明東楚湯載著序云采真子妙于考

古在京師時與鑒書博士柯君敬仲論畫遂著此書用意精到悉有據依惜乎尙多疏畧乃爲剛補編次成帙名曰畫鑑采真子載之自號也

畫史十三則○不著撰人名氏凡例十二則

訪古錄一冊

烏絲闌鈔本

○不著撰人名氏其書論法帖書畫

之說居多

三教同聲一卷

刊本

○明新安張新嘉甫纂集萬歷壬辰

鐵耕道者鄆邦福序曰新安張賓桐氏素精琴理凡可

持誦諷詠之者悉能被之于絃以清人耳余爲比部時見其釋設章譜按而習之如入梵宮聞衆僧咒旣心異之越二年余以入賀抵都又見其以大學清靜聖經譜而按之與前配吁亦奇矣夫賓桐氏欲聯三教以同聲何其所志之宏也乃忽獻疑於予曰吾儒與道家者流其習于琴久矣乃佛氏以音聲色相爲邪道則設章之譜得無悖于本旨乎予曰不然琴之設無非禁人之不正以歸于正此其意旨原不謬于聖人况道流乎人患不達先王作樂之本耳達其本則解處洽然無往非正性之具卽佛氏之風水樹鳥皆能說法梵音潮音皆是

妙音於琴理又何碍也賓桐氏遂釋然領悟乞此語弁之簡端

神奇秘譜二卷

刊本

○明

藩臈仙撰序云琴譜數家所

載者千有餘曲而傳於世者不過數十曲耳不經指授者恐有訛謬予昔親受者三十四曲刊之以傳後學其一字一句一點一畫無有隱諱名鄙俗者悉更之以光琴道

嘯旨

刊本

○不著撰人名氏序云夫氣激于喉中而濁謂

之言激于舌而清謂之嘯言之濁可以通人事達性情嘯之清可以感鬼神致不死蓋出其言善千里應之用

其嘯善萬靈受職斯古之學道者哉 君授王母母授  
南越真人真人授廣成子廣成子授風后風后授嘯父  
嘯父授務光務光授堯堯授舜舜演之爲琴與禹自后  
廼廢續有晉大行山仙君孫公獲之廼得道而去無所  
投焉既嗣宗得少分其后湮沒無聞矣嘯有十五章句  
權輿正畢有十二法外激內激含藏散越大沉小沉正  
此五大五少皆在十五章之內則嘯之妙音盡矣

秋僊遺譜十二卷

刊本

○明褚克明集嘉靖丁巳徐慰懷

序云褚君克明性好弈深知用譜之說乃集國工之譜  
自唐劉積薪及宋劉仲甫諸人莫不悉備又時出新意

以補古人之不及因刻之

奕悟一冊

刊本

○周勳編并序

奕會吟四卷

刊本

○明鄭銘著鄭棠序

五木經一卷○唐李翱撰羅浮外史識後云古之言樗蒲

者凡八爲經爲采名爲象戲爲廣象戲格爲樗蒲格總  
是經爲八部今鄭夾深之志藝術悉載焉但初不錄作  
者姓氏至馬貴與作經籍考廼收五木經于子類稱唐  
李翱撰元革註而署其卷目爲一復及其圖例云者今  
且軼脫不可得而見矣是卷幸載李文公集其盧梟雉  
續之采備紀帙中後之癖染劉毅容寶之好者當一披



豁而嘉賞焉

九宮譜二冊

刊本

○明蔣孝編并序

角力記一卷

鳥絲闌鈔本

○不著撰人各氏卷首序曰頃于市

貨故紙束中得古之雜說于中一段說角力之戲且多  
猥俗愚居閒遂加潤之以故事演成斯記

譜錄類

銅劍贊一卷

鈔本

○晉江淹撰

宣和博古圖三十卷

刊本

硯箋三卷

鈔本

○宋嘉定高似孫脩撰并序

墨譜法式三卷

鈔本

○宋趙郡李孝美編次馬允序

文房圖贊集○宋嘉熙初元和靖七世孫可山林洪龍撰  
序曰士之仕皆繇文房始惟唐韓愈舉穎爲中書他竟  
無所聞今圖贊一十八卷擬以官酬之俟異日請於朝  
罔俾昌黎專美

雲林石譜三卷

藍絲關鈔本

○宋杜綰撰綰字季揚號雲林居

士山陰人是書采石之瑰異第其流品載都邑之所出  
紹興癸丑闕里孔傳題辭

泉評茶辨十二卷

刊本

○明虞氏撰正德己巳虞銓跋後

云先君素有茶癖挾書藝游京師從事禮曹者幾二十  
年恒以竹鑪自隨淪茗于官廨見賞于館閣羣公咸以

文字褒之迨讀禮南還閉門校讐羣籍取天下之泉宜  
于茶者評之茶之合于泉者辯之手著是編復于詩壇  
諸老結爲茗約凡饜咏所在鑪亦從而試之累積篇什  
彙次成帙命工梓行

膳夫經一卷

紅絲關鈔本

○楊燁著

誠齋牡丹譜一卷

藍絲關鈔本

○不著撰人名氏

異魚圖贊四卷

刊本

○楊慎撰范允臨題辭太守公諱汝

梓序云明稱著述之最富者無如蜀楊用脩先生書凡  
四百餘種而所存僅十之一二皆流傳他省傳于蜀止  
十餘種而已家大叔堯卿司馬天一閣中有先生異魚

圖贊子雅愛之入蜀得范長白公訂本索其版已亡因以付劄氏

藝贊三卷

刊本

○明鄺灝編輯嘉靖壬辰自序

雜家類

五子書十六卷○鬻子周鬻熊撰宋永徽四年華州鄭縣尉逢行珪註并序云鬻子名熊楚人周文王之師也年九十見文王王曰老矣鬻子曰使臣捕獸逐麋已老矣使臣坐策國事尙少焉文王師之著書二十二篇名曰鬻子遭秦暴亂書記畧盡鬻子雖不遇焚燒編帙由此殘缺子華子晉人程本撰漢護左都水使者光祿大

夫劉向言所校讐中子華子書凡二十有四篇以相校復重十有四篇定著十篇子華子生于晉頃公時不肯苟容于諸侯聚徒著書自號程子孔子遇諸郊嘆曰天下之賢士也簡子欲仕諸朝而不能將脅之以兵子華子去而之齊齊景公不能用館于晏氏更題其書曰子華子簡子卒襄子立子華子反于晉時已老矣遂不復仕以卒○尹文子周尹文撰山陽仲長氏撰定并序云尹文子者蓋出于周之尹氏齊靈時居稷下與宋鉞彭蒙田駢同學于公孫龍公孫龍稱之著書一篇多所彌綸余黃初末始到京師繆熙伯以此書見示意其玩之

而多脫誤聊試條次撰定爲上下篇○公孫龍子趙人  
公孫龍著序殘○鷓冠子陸佃解并序云韓子曰鷓冠  
子十有六篇文字脫謬爲之正三十有五字乙者三減  
者二十有二註十有二字云陸子曰鷓冠子楚人也居  
于深山以鷓爲冠故曰鷓冠子其書自博選篇至武靈  
王問凡十有九篇而遺之云十有六篇者非全書也今  
其書雖具在然文字脫謬不可考者多矣故爲釋其可  
知者而其不可考者輒疑焉

五子書八卷

刊本

○明嘉靖甲辰歐陽清重刊本并序云

五子書者鬻子十四篇一卷子華子十篇二卷鷓冠子

十九篇三卷尹文子二篇公孫龍子六篇各一卷故刻  
在關中有取而刻之括者久未及校予始讀之爲之改  
誤若干字漶漫脫落者補正之刻廼完好可觀

墨子九卷○宋墨翟撰

鬼谷子二卷

刊本

鬼谷子一冊

縣紙藍絲  
關鈔本

呂氏春秋二十六卷

刊本

○秦呂不韋撰漢高誘訓解并

序

淮南鴻烈解二十八卷

刊本

○漢太尉祭酒許慎記上明

宏治辛酉劉績補註并跋後云右淮南一書乃全取文

子而分析其言雜以呂氏春秋莊列鄧析慎子山海經爾雅諸書及當時所召賓客之言故其文駁亂序事自相舛錯漢許慎記上而高誘爲之註記上猶言標題進呈也故稱職稱臣先儒誤以爲慎註又疑非誘註按註中不知者云誘不敏則爲誘註明矣其書雖無足取然論律呂而存古樂論躔度而存歷數天文地形亦有當留心舊本殘訛自誘註時已不能辨如以禁背爲柰何類甚多暇中據他書補數千字改正數百字刪去百字其疑者仍存難釋者草草書數語釋之

人物志三卷

刊本

○魏散騎常侍劉劭撰涼儒林祭酒劉



昉註并序阮逸序云予好閱古書于史部中得劉邵人物志十二篇極數萬言其述性品之上下材質之兼偏研幽摘微一貫于道山魏至宋歷數百載其用尙晦而鮮有知者是書也博而暢辨而不肆非衆說之流也予安得不序而傳之廣平宋庠記後明嘉靖己丑顧定芳識後

天機子一卷○蜀漢諸葛武侯撰并序

劉子新論十卷

藍絲剛鈔本

○梁通事舍人劉勰著序殘

兩同書二卷

刊本

○唐羅隱昭諫撰明司馬公諱欽訂

太平兩同書二卷○唐吳筠撰

經鉏堂雜誌六卷

藍絲關鈔本

○宋雪川倪思著

草木子四卷

刊本

○元龍泉葉子奇著并序

明鄭善夫

敘云草木子葉子奇氏括人生元季匿於龍泉之槎溪

所著有範通元理太元本旨各二卷有詩六卷文二

十卷本草醫書節要各十卷齊東野語卷草木子三

卷草木子成於洪武戊午幽繫中稽上下之儀星纏之

軌陰陽五行生剋之運海嶽浸瀆戎夷帝乏之物鬼神

伸屈之理草之變魚蟲之尤律歷推步易衍之大宗釋

老禮制之書而之於六籍之要大歸同焉野語記時事

失得兵荒菑異草木子云者草記時木記歲以况其生

而傷乎其言之立也舊本凡二十八篇今纂爲八野語  
凡三卷今爲二其七代宗子溥殺青而行之弁曰草木  
子

橐籥子一卷

林子一卷

刊本

○林兆恩撰門人黃大本序云是書乃諸

生各紀所聞共爲一帙而先生筆削之遂編成集聖道  
殊途原無二致故先之以三教道外無聖性外無道故  
次之以心性本立道生居安資深故次之以人倫北辰  
立樞聖人合德故次之以同天聖人之道或出或處故  
次之以仕道身隱道晦爲時所怪故次之以顛義離羣

索居佩服不忘若自叛去先生之棄故終之以互鄉諸  
生與斯集者標其名氏紀其名而不繫以姓者皆先生  
之諸季也爰刻於清源洞之虛白室

三教歷代會編要畧九卷

刊本

○明林兆恩著陳雲桂序

隆慶壬申弟兆誥後跋所著有林子二卷醒心集一卷  
射禮文武協用圖說一卷祭禮著歷代版給圖說一卷  
崇禮堂條約一卷留客圖說一紙小宴會圖說一紙明  
經堂條約一卷敬聽念戒勉五詞各一紙及梓錄聖訓  
端毅王公愬所注解者復有義田集一卷社集一卷施  
棺集一卷助葬集一卷自製墳誌一卷諸集刻行人多

燔失擬復與同門諸友重梓尙未能也

空同子一卷

首缺有堯氏圖章

○明北郡李夢陽撰嘉靖辛卯門

人聶豹序云予讀空同子八卷而嘆其爲文之至也或曰空同子文跨一代隻字流落輒爲人所傳頌而子獨以八篇何哉予曰文以見道道以經世斯其至矣若空同子者天假之年起而究厥施焉則其所以名世者文不足道矣或曰空同子嘗仕也乃落落爲世所擯何耶予曰前乎此者疑于道猶未也蓋其英氣太露常有凌軼古今之意其不爲世所容有以也五十以後則盡悔平生而并其所謂詞章者若將爲而不屑矣是故懲艾

深而眞見定入篇之作而豈徒哉予故讀而嘆之曰此  
空同子文之至也廼刻之郡齋

祝子罪知

鈔本

○明祝允明撰

張子小言○明蜀都張愈光著楊慎序

百泉子緒論一冊

刊本

○明吳郡皇甫汈撰

古言二卷

刊本

○明海鹽鄭曉撰嘉靖乙丑自序

筆籌一冊

烏絲闌鈔本

○不著撰人名氏宏治己酉盱眙陳道

識云筆籌一編不知作者爲誰讀之皆卓然至論非有  
學有養折肱世務者不能到也因梓行之併附所見于  
各章後求正于知言君子云

古今注三卷

刊本

○晉崔豹著

資暇集二卷

鈔本

絲闌

○唐李匡父撰

東觀餘論二卷

鈔本

烏絲闌

○宋黃伯思撰

靖康新雕細素雜記十卷

鈔本

蓋絲闌

○宋建安黃朝英撰

猗覺寮雜記二卷

鈔本

絲紙闌

○宋紫薇舍人桐鄉朱翌撰

慶元三年四月九日魏郡公鄱陽洪邁序

西溪叢話二卷

刊本

○宋姚寬撰并序云嘗讀新論云若

小說家合叢殘小語以作短書有可觀之辭予以生平

父兄師友相與說說履歷見聞疑誤考證積而漸富有

足采者因綴輯成編曰叢話不敢誇于多聞聊以自怡

而已

野客叢書三十卷

刊本

○宋慶元改元長洲王楙撰并自

序

漁隱叢話六十卷

紅絲闌鈔本

○宋苕溪吳仔撰

賓退錄十卷

紙藍絲闌鈔本

○宋趙與峕撰

朝野類要一卷

刊本

○宋端平丙申文昌趙升向辰著并

序

中華古今注三卷

刊本

○明國子博士馬縉撰并序云昔

崔豹古今注博識雖廣迨有闕文泊乎廣初莫之聞見  
今添其注以釋其義



丹鉛餘錄十七卷

刊本

○明楊慎著邱文舉集李世芳楊

富春校錄無序

丹鉛續錄十二卷

刊本

○明楊慎著并序周復俊校

丹鉛摘錄十七卷

刊本

○明楊慎著武昌楊儒魯序

丹鉛總錄二十七卷

刊本

○明楊慎著梁佐校刊并序

譚苑醍醐九卷

刊本卷首有東明山人之印

○明楊慎撰并序云醍醐

者佛氏借之以喻性也吾借之以名吾譚苑也夫從乳

出酪從酪出酥從生酥出熟酥從熟酥出醍醐猶之精

義以入神非一蹴之力也學道其可以忘言乎語理其

可以遺物乎故儒之學有約有博佛之教有頓有漸故

曰多聞則守之以約多見則守之以卓寡聞則無約也寡見則無卓也佛之說曰必有實際而後真空實則攬長河爲酥酪空則納須彌于芥子以吾道而瓦合外道一也以外道而印證吾道一也譚云苑云徒說云乎醜云酬云徒味云乎哉

正楊四卷

刊本

○明陳耀文撰李藻序云成都楊用脩著

丹鉛錄等書至數十百種朗陵陳君晦伯閉取其誤謬分疏其下得一百五十條悉撮原本無假辨說開卷瞭然固譚藝者之一快也

論衡三十卷

刊本

○漢王充著宋慶歷五年楊文昌後序

云范氏東漢列傳云充字仲任嘗受業太學師事班彪  
博覽而不守章句家貧無書嘗遊雒陽市肆閱所賣書  
一見輒能誦憶遂博通衆流百家之言著論衡八十五  
篇二十餘萬言既作之後中土未有傳者蔡氏邕入吳  
會始得之常秘玩以爲談助故時人嫌伯喈得異書或  
搜求其帳中隱處果得論衡抱數卷持去其後王郎來  
守會稽又待其書及還許下時人稱其才進或曰不見  
異人當得異書問之果以論衡之益繇是遂見傳焉流  
行四方今殆千載撰六帖者但摘而爲備用作意林者  
止鈔而同諸子吾鄉好事者往往自守書櫝爲家寶然

其篇卷脫漏文字踏駁魯魚甚衆亥豕益訛或首尾顛  
躓而不聯或句讀轉易而不紀是以覽者不能通其讀  
焉余幼好聚書于論衡尤多購獲自一紀中得俗本七  
率二十七卷其書程氏西齋所貯蓋令起居舍人彭公  
乘曾所對正者也又得史館本二各三十卷乃庫部郎  
中李公秉前所校者也余嘗廢寢食討尋衆本雖畧經  
脩改尙互有缺遺意其謄錄者誤有推移校勘者妄加  
刪削致條綱紊亂旨趣乖違倘遂傳行必差理寔今以  
覈數本之內率以少錯者爲主然後互質疑謬泐造本  
源僞者譯之散者聚之亡者追之俾斷者仍續闕者復

補惟古今字有通用稍存之又爲改正塗注凡一萬一千二百五十九字嘉靖乙未後學吳郡蘇獻可校刊

風俗通義十卷

刊本

○漢應劭撰太德丁未李果刻

封氏聞見記十卷

藍絲闌鈔本

○唐封演撰

王氏談錄綱目一卷

藍絲闌鈔本

○宋王原叔撰約齋山人識

文昌雜錄六卷

藍絲闌鈔本

○宋龐元英撰自跋稱自壬戌五月

入省至乙丑八月罷每有所聞見私用編錄官在儀

曹籙記故事今離爲六卷乾道丁亥夏六月編脩官衛

傳序

塵史四卷

朱絲闌鈔本

○宋王得臣撰自序稱所紀凡二百八

十四事自朝廷至州里有可爲法戒者無不載分四十

四門

夢溪筆談二十六卷

刊本

○宋沈括撰

補筆談二卷

刊本

○宋沈括撰

仇池筆記二卷

刊本

○宋蘇軾撰

珩璜新論一冊

藍絲關鈔本

○宋孔平仲撰

晁氏客語一卷

烏絲關鈔本

○宋晁說之撰

曲洧舊聞十卷

鈔本有天一閣章  
山人之印二

○宋朱弁著卷首司

馬公筆志云朱弁字少童新安人於晦菴爲從父官直

祕閣建炎丁未使虜歸十七年旣歸而卒又有雜書一

名勛散說上卷勛散說者以續晁元咎詞話而晁書未見

嬾真子五卷

藍絲闌鈔本

○宋廣陵馬永卿撰

春渚紀聞十卷

藍絲闌鈔本

○宋何遜撰

石林燕語十卷

刊本每卷首有范氏圖章之記人生一樂子子孫孫永傳寶之三圖章

○宋

吳縣葉夢得著建炎二年褒集并序楊武後序

避暑錄話二卷

刊本

○宋葉夢得撰

卻掃編三卷

藍絲闌鈔本

宋徐度撰

墨莊漫錄十卷

藍絲闌鈔本

○宋張邦基編

寫簡十卷

藍絲闌鈔本

○宋寓山沈作喆撰

雲麓漫鈔四卷

紅絲關鈔本

○宋趙彥衛撰

游宦紀聞十卷

藍絲關鈔本

○宋鄱陽張世南撰并序云僕自

卯角隨侍宦游便登青天萬里之蜀及壯走江湖無寧  
歲紹定改元適有令原之戚閉門謝客進思捉筆紀錄  
不覺盈軸以游宦紀聞題之

老學菴筆記一冊

藍絲關鈔本

○宋山陰陸游撰

鶴林玉露十六卷

列本鈔本

○宋羅大經著明商濬校

張笏翁貴耳集三卷

藍絲關鈔本

○宋淳熙丙午張端義撰

吹劍錄一卷

藍絲關鈔本

○宋俞文豹撰小識云此編已刊行

版畱書肆不可復得因刪舊添新再與續集並刊



齊東野語二十卷

刊本

○宋周密著并序云余世爲齊人

居歷下或居華不注之陽五世祖同州府君而上種學  
績文代有聞人曾大父扈蹕南來受高皇帝特知遍歷  
三院徑躋中司泰禧之間大父從屬車外大父掌帝制  
朝野之故耳聞目接歲紀日編可信不誣先君博極羣  
書聞臺閣舊事每對客語音吐洪暢纏纏不得休坐人  
傾聳敬嘆知爲故家文獻也洊遭多故遺編鉅帙悉皆  
散亡閒居追念一二于十百參之史傳諸書博以近聞  
臆說務事之實不計言之野也

困學齋雜錄一卷

藍絲闌鈔本

○元鮮于樞撰

閑居錄一卷

藍絲闌鈔本

○元吾邱衍撰

蟬精雋十六卷

藍絲闌鈔本

○明徐伯齡纂

調言長語一卷

刊本

○明曹安著并序

震澤長語二卷

刊本

○明張整撰并序

南園漫錄十卷

刊本

○明張志淳撰

綠雪亭雜言一卷

刊本

○明清江敖英撰并識

真珠船八卷

刊本

○明關西胡侍撰

七脩類稿五十一卷

刊本

○明仁和郎瑛仁寶著分天地

國事義理辨正詩文事物奇詭七類

東巢雜著二卷

藍絲闌鈔本

○不著撰人名氏

適旃璵言二卷

刊本

○明蘇祐撰

濯纓亭筆記十卷

刊本

○明長洲戴冠撰華察序云戴先

生爲吾父奉政公師余少猶及識之閒嘗求其遺文未得也頃同年陸給事子餘得其所著濯纓亭筆記十卷手校寄余山中余爲刻梓是編舊題隨筆類記故少卿都公元敬爲易今名蓋濯纓者先生所自號也

孤竹賓談四卷

刊本

○明吉水陳德文撰并序

湧幢小品三十二卷

刊本

○明朱國楨撰

焦氏筆乘續集八卷

刊本

○明焦竑撰

之桐紀事一卷

刊本

○明余漢城著

元宮詞一卷

刊本

○明人著序稱元于今至爲近代而宮

庭深邃人罕得而知也永樂元年錫賜于家有一老嫗年七十廼元后乳姆于宮中事最悉訪之一一備陳故予詩中所詠皆元宮實事有史中未載外聞不得而知者遺之後人以廣多聞焉

兩山墨談十八卷

刊本

○明陳霆撰并識

洞天清錄集十二卷

藍絲闌鈔本

○宋趙希鵠撰并序

雲烟過眼錄一卷

藍絲闌鈔本

○宋周密公謹父撰

尙論編一卷

刊本

○明王達善撰正德十六年李昆序云

司長胡樾岡先生摘本朝王學士達善先生集中所著

景仰撮書一篇見示皆舉撫前人往事而訂論其得失  
是非以爲世訓讀之使人警悟其世傳筆籌亦先生所  
爲其論處已待人慮事度物直指曲盡蓋與此書互發  
樾岡篤好此書題之曰尙論編

徵吾錄二卷

刊本

○海鹽鄭曉著夏儒刻明嘉靖丙寅進

士鄭履淳序稱曉旣輯吾學編而事意多有未盡則又  
川分條析爲今言三百四十餘首又卽二書撮其大要  
究本窮源列徵吾錄上下卷計三十一篇

九沙草堂雜言一卷

刊本

○不著撰人名氏

天游別集二卷○明古賢舒遷訂自序稱始見筆籌一冊

天一閣書目  
不知作者何許人庚子按河東公署積書千餘卷披閱  
之得尙論篇酷與筆籌相似爰考其實乃知俱翰林王  
君之手而筆籌亦獲見其全矣遂彙爲兩帙刻而傳之  
名曰天游別集蓋取諸王君之別號也

迂書一卷

紙朱絲  
關鈔本

○不著撰人名氏

枕戈雜言一冊

刊本

○不著撰人名氏

感時論二卷

刊本

○明仲山王問著門人殷邦靖校王伯

### 興編集

霏雪錄一冊

刊本

○雒陽鎰績孟熙著

物類相感志十八卷

紙鈔本

○宋蘇軾撰兩府僧統法

戒都監宋文太師贊寧編次分天地人鬼鳥獸草木竹石出魚寶器金玉十四類

多能鄙事十三卷

刊本

○明誠意伯劉基撰嘉靖十九年

青田縣儒學訓導浮梁魯軒程法序云孔子曰吾少也賤故多能鄙事是則孔子之謙而茲錄亦從之大勳伯文成劉公練達元老也爲我朝第一流人物百執事無能抗者敢以賤目之矧所編之錄有曰飲食所以衛性也有曰服飾所以華躬也有曰器用所以贍日給也有曰百藥所以防時虞也有曰農圃牧養則植材之根本有曰陰陽占卜與占斷神之類則演易之支流凡若

此者皆切于民生日用之常不可一闕者事雖微而繫甚大苟斥曰鄙吾豈敢哉

便民圖纂十六卷

刊本

○明陳維一編歐陽鐸序嘉靖丁

亥冬翻刻呂經序原本出三厓歐氏若托始則任邱鄭廷瑞氏選刻于吳者

新增格古要論十三卷

刊本

○明曹昭撰王佐校增後附

宮殿記

霞外雜俎一卷

刊本

○明東谷居士敖英序云嘉靖丁酉

秋予有蜀臺之役一日泊舟空船灘上以候風色乃野服登岸眺望由曲徑窈窕入平林度石梁又斗折而行



西數百步見峭壁攢峯如屏如玦中有石潭水色幽幽

可鑒鬚眉潭上有石筍駢立勢欲墮有泉出石竇若噴

雪花潺潺落落潭中傍有磐石如席石傍有古松三株虬

枝奇屈緣蔭歲蕤子欣然會心乃小憇石上以觀泉流

俄有一翁曳杖而來癯然山澤之姿似有道者予揖而

與之坐歎語移時因問翁知攝生之要乎翁曰吾每日

只服一劑和氣湯又問翁居閒處獨亦觀書否翁曰吾

壯年服膺九字經今耄矣慚負此經多矣又問翁于世

亦有求乎翁曰人生空分機關計較都不濟事俟命而

已吾何求哉已而蒼然暮色自西山而至于遂與翁別

翁袖中探此書授予且告曰此鐵脚道人所纂也敢以爲上客之壽予返而登舟取所授書閱之翁與余石上所語者班班在焉連日三復愛其言簡易警策若終身之受用不盡因命幼兒楷書數通以寄鄉關親友

意林五卷

刊本

○唐扶風馬總撰

澄懷錄一卷

藍絲關鈔本

○宋周密撰

經子法語一卷

藍絲關鈔本

○宋鄆陽洪邁著

勸善書二十卷

刊本

○明仁孝皇后撰永樂三年御製序

歷代臣鑒三

七卷

刊本 ○明宣宗皇帝撰宣德元年四

月御製序

歷代君鑒五十卷 刊本 ○明景皇帝撰景泰四年御製序

爲善陰隲十卷 刊本 ○明永樂十七年御纂并敘

簡端錄十二卷 刊本 ○明正德己亥古華山人邵寶撰并

序天台王宗元編次

灼艾集二卷續集二卷餘集二卷別集二卷 刊本 ○明九

沙山人萬表撰云灼艾者以灼艾休暇日涉諸說凡有  
會于心者輒手錄之每集各有自跋

諸子彙函二十六卷 刊本 ○明姚希孟集并序

子彙十二冊 明萬曆四年刊本

諸子纂要大全四卷 刊本 ○明黎堯卿纂張璠校正德丁

卯孟夏月錦江堂刊

七子纂要三冊 刊本 ○明四明進士史起欽纂輯

六子彙編十二卷 刊本 ○老子莊子揚子列子文中子合

刻明張位趙志皐同校刊黃錫爵序

七十二子粹言二卷 刊本 ○不著編書人姓名

百家類纂四十卷 刊本 ○明隆慶元年慈谿沈津編明州

張時徹序三衢王之稷雲開希淳舍山胡來範跋後凡

例云是編名百家類纂者總諸子之羣書以類相從纂

其元而去其疵也百家異古言人人殊不別其類則其

體殺不纂其元則其旨雜也非所以通萬方之畧也故

僭爲訂次使考古者得有所覽焉一漢太史司馬談始著六家指要之論劉歆所奏七畧則有諸子畧班固作藝文志以爲諸子十家可觀者九曰儒曰道曰陰陽曰法曰名曰墨曰從橫曰雜曰農曰小說此十家也十家之外益以兵家天文歷譜五行醫經神仙方技之類皆刪其要以備篇籍後世書分四部諸子百家悉列之子效孟堅體耳隋志經籍則增十四種唐宋志藝文則增十七類抑何多耶然中更兵火名存籍去隋視漢則亡其五唐宋視隋則又亡其六七矣及我朝文淵閣則又不啻六七而已茲所編止取儒道法名墨縱橫雜兵八

家以附于班史可觀之列外諸家則刻之百家別纂說  
林雜纂不使溷焉庶博學者知所要歸也一劉勰有言  
七畧派流諸子鱗萃純萃者八矩踏駁者出規言貴精  
也隋唐間有沈約庾仲容子鈔孟儀薛克建子林盧藏  
用要畧馬總意林皆子書之粹也隋以上諸書不存惟  
唐馬總意林獨行于世然其所取或一書數章或一篇  
數句既不盡作者之旨而撰次無統類例不明容齋洪  
氏曰唐世未知尊孟子故意林亦列其書而差有不同  
他所引書如胡非子隨巢子纏子王孫子公孫尼子阮  
子正部姚信士緯敷興通語牟子周生烈子秦菁子梅

子任子魏郎子唐滂子鄒子孫氏成敗志蔣子譙子鍾  
子張儼然記裴氏新書袁准正書袁子正論蘇子陸子  
張顯析言及子子顧子諸葛子陳子要言符子諸書今  
皆不傳於世亦有不知其名者矣宋猶若是今可知也  
故是編第據海內通行及家藏諸本悉爲詮綜攬禎英  
華寸善必錄其諸詭于道者悉棄之亡書內有片言隻  
詞當于理者刻之羣書廣喻錄示不遺也學者得是編  
而讀之亦足以廣見聞助發揮雖不睹全書可矣一是  
編撰列悉倣漢隋唐宋藝文經籍志類而參之以通考  
玉海考索諸書畧以世次爲先後便觀省也每家之首

則有總題敘原本也每一字之首則有題辭詳始末也  
其原有題引足徵一書者則錄原辭其或有原辭而考  
覈欠精品隲未當者則節取原詞附以臆見並以按字  
發之務折衷于理道不敢妄有所短長一是編專錄諸  
子不得混以他集明類也或曰韓柳歐蘇濂洛關閩尤  
諸子之傑獨可遺乎余曰韓柳歐蘇以文鳴不當備目  
之子也故約文選文粹文鑑文類以及我朝文苑刻之  
百代文宗尙文也濂洛關閩以道鳴不敢概同于子也  
故約性理羣書以及我朝理學名臣錄刻之諸儒理窟  
重道也體裁不同觀法亦異固各有所指歸也是明類



之意也

智囊全集十五卷

刊本

○明馮夢龍著汪淇序

玉壺冰一卷

刊本

○明吳郡都穆撰

福壽全書六卷

刊本

○明雲間陳繼儒輯

廣仁品二十卷

刊本

○明淮南李盤輯李兆勳序

義命彙編十二卷

刊本

○明汀州府同知李仲撰輯長汀

縣知縣李應科校正

義命箴規

刊本

○明吳孟祺撰

勸世方言一卷

刊本

○明慈谿劉鎖著嘉靖戊子華亭王

良佐序云劉子世資采羣書要語附以己意著爲方言

若干篇其書根柢人倫及日用常行之理纖悉畢備隨  
事直言不尙文彩蓋欲使童子婦人皆得通曉不勞解  
析其用意亦勤矣

最樂編五卷

刊本

○明高道淳著魏大中等正并序

狐白裘十卷

刊本

○博野劉瑤編

讀書日記一冊○不著撰人名氏

閉居漫讀新得記九卷

烏絲闌鈔本

○四明倪復著

見山堂雜鈔

烏絲闌鈔本

○不著撰人姓名卷首有白鶴山房

碧沚書堂二圖章

木蘭堂類鈔一冊

藍絲闌鈔本

○不著撰人名氏卷首載宋

子正山房隨筆宋沈淑諧史

志雅堂雜鈔

藍絲關鈔本

○不著撰人名氏

翰苑叢鈔八冊

藍絲關鈔本

○不著撰人名氏

雜書九冊

刊本

○詩品二卷本事詩一卷畫品一卷鼎錄

一卷明道雜誌二卷宜齋野乘一卷松牕雜錄一卷次

柳氏舊聞一卷葆光錄二卷洛陽名園記一卷趙飛燕

外傳一卷高力士傳一卷開元天寶遺事一卷齊諧記

一卷海內十洲記一卷卓異記一卷資暇集二卷集異

記一卷幽閑鼓吹一卷小尔正一卷劉賓客嘉話錄一

卷嘯音一卷文錄一卷雪深偶談六卷松漠記聞二卷

別國洞真記二卷白猿一卷碧霞錄一卷芥隱筆記一卷  
艾子一卷梅妃傳一卷虬髯客傳一卷博異志一卷  
楊太真外傳二卷山家清事一卷

名賢彙語二十二卷

刊本

○明隆慶辛未飛來山人彙編

并序

今獻彙言八冊

刊本

○不著撰人名氏第一卷蘿山雜言

蒙泉雜言未齊雜言南山素言松窗寤言井觀瑣言第  
二卷正學編明斷編此事摘錄第三卷演連珠編擬連  
珠編瓊語編西軒客談詢芻錄調言編拘虛寤言竹下  
寤言第四卷清溪暇筆桑榆漫志林泉隨筆春雨堂隨

筆第五卷賢識錄遵聞錄損齋備忘錄守溪長語第六  
卷雙溪雜記菽園雜記第七卷平夏錄平吳錄北平錄  
平定交南錄第八卷撫安東夷記西征石城記興復哈  
密記平夷錄東征記行錄江海殲渠記醫閭漫記

今賢彙說十冊

刊本

○不著撰人名氏

欣賞編十卷

刊本

○吳興茅一相集徐中行王蔡序內分

甲集詩法乙集弈選丙集繪妙丁集詞評戊集曲藻己  
集十友庚集茶譜辛集色譜壬集牌譜癸集脩眞

天一閣書目卷三之二

子部

類書類

藝文類聚一百卷

刊本

○唐歐陽詢撰并序

北堂書鈔一百七十卷

刊本

○唐虞世南撰

初學記三十卷

刊本

○唐東海郡開國公徐堅等奉敕撰

宋紹興甲寅建陽縣丞福堂劉本序云人生而不學與

無生同學而不能文與不學同能文而不載乎道與無

文同文之不可以已也如此是以近世有摘六經諸子

百家之言而記之凡三十卷開卷而上下數百年之事

皆在其目前可用以駢四偶六協律諧呂爲今人之文  
以載古人之道真學者之初基也明嘉靖錫山安國重  
校刊錫山秦金序

標題補注蒙求三本三卷

萬曆改元刊本

○唐李翰撰宋徐子光

補注明句吳顧起倫補輯并序云翰故趙人也天寶末  
擢進士歷官翰林學士父華弟觀並以文學擅名時謂  
與韓愈相上下愈集中亦往往推許翰之文章爲名家  
嘗所善張中丞廵及其死節傳廵功狀表上之具載文  
藝傳敘事鯁峻剴切讀者竦動想見其風槩史畧別其  
集三十卷僅存前編又漸次寔廢且內籍坊本舊注庸

陋疎淺余家藏有宋本乃徐狀元子光所注其援據與籍雅正精確類以篇章補其闕畧余園居濠曲灌藝之暇爲之耽玩檢訂佳事僞語特著標目復著類編次庶乎爽語要領捷于課鑑非但嘉惠蒙學抑又裨益爾雅事類賦三十卷 刊本 ○宋吳淑撰并自序紹興丙寅邊惇

德序

太平御覽一千卷 刊本 ○宋尙書李昉等奉敕編書分甲

乙丙丁戊己庚辛壬癸十部凡五十四門李廷允跋後

海錄碎事二十二卷 藍絲關闌紙鈔本 ○宋葉庭珪撰紹興十九

年自序云予童時嗜書家本田舍貧無可讀曾大父以



差法押綱至京師傾行囊市書數十部以歸因盡讀之  
其後肄業郡學升貢上庠登名籍入仕蓋四十餘年未  
嘗一日手釋卷帙雖老不衰每聞有異書無不借借無  
不讀讀無不終篇而後止嘗恨無貲不能盡傳寫間作  
數十大冊擇其可用者手鈔之名曰海錄其文多成片  
段者爲海錄雜事其細碎如竹頭木屑者爲海錄碎事  
其未知故事所出者爲海錄未見事其事物興造之原  
爲海錄事始其詩人佳句曾經前人稱道者爲海錄警  
句圖其有事跡著見作詩之由爲海錄本事詩獨碎事  
文字最多初謂之一四錄言其自一字至四字有可取

者皆錄之後改爲碎事每讀文字見可錄者信手錄之  
未嘗有倫次閱歲既久所編猥繁檢閱非易紹興十八  
年秋得郡泉山公餘無事因取而類之爲門百七十五  
爲卷二十有二雖摘裂章句破碎大道要之多新奇事  
未經前人文字中用實可以爲文章伙助

歷代制度詳說十一卷絲紙藍絲 ○宋呂祖謙撰

新刊監本大字冊府元龜一千卷藍絲關蘭紙鈔本 ○宋王欽若

等奉敕纂

永嘉八面鋒八卷刊本 ○宋陳傳良著方逢辰批點薛應

旂都穆記張益序

八百鋒二卷刊本卷首有天一閣古司馬氏圖章○同上明吳人盧雍校勘

姑蘇張益序云是書行未久而元運興竟零落于兵火

偶得高太史李廸館閣本因錄之爲細帙重刊舊有止

齋序今亡

錦繡萬花谷前集三十二卷後集四十卷續集四十卷刊

本卷商○宋衢人蕭贊元著淳熙十五年自序云凡古

人文集佛老異書至于百家傳記醫技神官齊諧小說

荒錄怪志聞必求求必覽焉久之乃畧有敘又附之以

唐人及國家諸公之詩編成爲三集每集析爲四十卷

祭乎有條矣先是烏江蕭恭父河南胡恪聞其大概爲

余命之曰錦繡萬花谷今從其名

記纂淵海一百九十五卷

紙藍絲關鈔本

○宋金華潘自牧著

嘉定己巳自序云凡爲部二十有二爲門一千二百四

十有六合二百三十六卷總八十萬言

決科截江網三十二卷

刊本

○不著撰人名氏明宏治十

一年趙淮跋云此書余慕之久矣近得福建版行如獲拱璧閱竟日不忍釋手奈何篇有殘闕字多舛訛欲求端本卒不可得旣而覓於江東王氏之私藏逐一校正

增補命工重刊

全芳備祖七卷

藍絲關鈔本

○宋陳景沂編集

羣書考索前集六十六卷續集五十六卷別集二十五卷

刊本

○宋章如愚編輯正德戊辰鄭京序

古今合璧事類備要前集六十九卷

刊本

○宋建安謝維

新編并序云友人劉兄以類書見囑且以合璧事類備  
要名始而天文地理次而節序人物以至族屬官職姓  
氏之分儒學仕進道釋技藝之等與夫吉凶慶弔冠婚  
喪祭之儀草木蟲魚器用動竹之末莫不類而得其備  
備而得其要別以標題而以合璧

古今合璧事類備要後集八十一卷續集五十六卷別集

九十四卷外集六十二卷

鈔本

又一部

刊本

○建安虞

載子厚編次

會館印正古今合璧事類前集六十三卷

刊本

○明宏治

戊午重刊錫山華燧序

古今源流至論十卷

刊本

○宋林駟撰

玉海二百卷附辭學指南四卷

刊本

○宋王應麟撰南京

國子監監丞太平戴鏞識云右玉海凡二百四卷合五

千板歲久漫漶殘闕觀者病焉鏞董脩羣籍次第及是

補遺易腐新刻總四百三十五板庶完其舊

六帖補二十卷

藍絲闌紙鈔本

○宋代郡楊伯岳彥瞻著竹呂

年序殘淳祐甲辰衢州學教諭俞在禮後序

韻府羣玉十八卷

刊本

○宋陰時夫撰其弟中夫註騰賓

序

新編翰墨新書前集七十卷後集三十一卷別集十二卷

續集四十二卷

紙藍絲關鈔本

○進士劉子實茂父著

文選雙字類要三卷

刊本

○宋學士蘇易簡著明嘉靖庚

子莆田姚虞序凡爲門四十爲類五百皇甫汈序後

補侍兒小名錄

藍絲關鈔本

○宋王鉉集

璧水羣英待問會元選要八十二卷

嘉靖壬辰慎獨齋刊行

○宋劉

達可編集明正德四年王赦序稱是書命章立題分條

析縷以至綴拾羣言鋪張宏議自有書契以來凡帝王

之行事聖賢之格言諸子百家之纂紀名臣碩輔之建  
明有關於理學與治道者舉綱振目靡不該備其後版  
刻殘毀書亦散落與諸生華亭沈淮講求是書而南臺  
大都憲族溪朱先生亦以鈔本命淮校之淮更搜訪得  
之姑蘇者三十七卷維揚者二十八卷正訛補脫刪複  
取要會爲八十二卷命工鉸梓以傳

新編翰墨大全一百十卷

刊本

○宋劉應李撰考亭熊禾

序云省軒劉應李與余講學武夷法源山中者十有二  
年所造甚深此特其游藝之末耳平礪伯氏爲刊是書  
分甲乙丙丁戊己庚辛壬癸十部



事文類聚翰墨大全十二卷刊本○宋前鄉貢進士省軒

劉應李編大德三十一年進士考亭熊禾去非父敘

太學增脩聲律資用萬卷菁華前集八十卷藍絲闌蘭紙鈔本○

不著撰人名氏

三場文海一百卷藍絲闌鈔本首頁有司馬公東明二字與萬古同心之學六字二闕章○

宋人編輯刊時已失其名慶元己未武夷桂林主人序

曰友人叔權近得前朝名公編類三場文海始以君德

治道中以職守貢舉食貨禮樂終以兵刑風俗儒學度

數上起三皇下迄五季比三千五百餘年治亂興衰之

跡莫不支分派別用之而不窮酌之而不置是所望于

善爲文者

新編姓氏遙華韻九十八卷

藍絲闌鈔本內缺乙集卷五至丙集卷十一

○宋

布衣臨川法景脩編并自序元至大三年庚戌程鉅夫序其書自甲至癸分十集

三才廣志一千一百八十四卷

絲紙藍絲闌鈔本

○不著撰人名

氏

聖宋名賢四六叢珠

一百卷烏絲闌鈔本

○宋建安葉贇撰

四六雕龍八卷

刊本

○明王世貞選林世勤註游日章著

王穉登校張獻翼敘

名公新編翰苑啓劄雲錦五冊

藍絲闌鈔本

○不著撰人名氏

續編錦囊詩對故事四卷

刊本

○不著撰人名氏

排韻增廣氏族大全六卷

刊本

○不著撰人名氏

古今名喻八卷

刊本

○明吳仕期撰并序

經濟類編一百卷

刊本

○明北海馮琦撰弟瑗校并序其

書自帝王政治迄道術雜言分二十三類

經濟類編六十二卷

藍絲關絲紙鈔本

○不著撰人名氏自天文

歷法儀象迄草木禽獸昆虫分八十三門

姓原珠璣一冊

蘭紙刊本

○明江陰楊信民著王直序稱信民

博洽多聞嘗爲日照知縣太宗脩永樂大典徵天下文

學之士信民與焉因得觀中祕書所見益廣既老而歸

乃于暇日輯錄前人行事之跡得二千餘條各附于其姓而以音韻統之又分類八十別著目錄使觀者得因是以求焉

物原一冊

刊本

○明山陰羅頌著自序稱汎訂羣籍作爲

此書其類十有八一日天原二曰禮原三曰名原四曰樂原五曰政原六曰官原七曰資原八曰刑原九曰文原十曰食原十一曰衣原十二曰室原十三曰地原十四曰兵原十五曰技原十六曰葬原十七曰器原十八曰事原其條二百三十有九總名之曰物原

異物彙苑十八卷

烏絲關絲紙鈔本

○不著撰人名氏卷首闕三

頁

考古辭宗二十卷

刊本

○明高安况叔祺編嘉靖壬戌趙

鈇鼎卿序云考古辭宗貴州學憲况大夫所彙次也大夫好古重文因脩辭指南止收爾雅左腴漢雋書序指南而不及文選雙字類要乃與少參徐大夫重纂輯之合爲一書

楮記室十五卷

刊本卷首有古司馬氏圖章

○明潘瓊纂自

序云予自

退閒以來課畊外惟喜讀書日與古人相對聽其話言理有契于心事有感于時或切于用者輒命楮生記室錄之積久累數萬言遂命生詮次書成誌名予笑而

言曰汝之職盡矣姑借汝名號以寵此書何如遂題其  
端曰稽記室云

類雋二十四卷○明句吳虛舟鄭若庸纂輯

藝圃萃盤錄刊本○明周汝礪選蔣以忠纂蔣以化輯

尙友錄十二卷刊本○明廖用賢撰并序

千家姓一冊刊本○明洪武十四年翰林吳沉典籍劉仲

質吳伯宗同奉敕纂

漢魏叢書二百五十卷○明萬歷壬辰東海屠隆纂

叢書集要二十八卷刊本○明江之棟輯內郭氏元經十

卷趙氏璇璣經一卷陽明按索圖四卷佐元直指圖解

十卷三白寶海鈞元三卷

古今說海一百四十二卷刊本○明黃良玉姚如晦顧應

夫沈叔明陸思豫唐贊同纂唐錦序書分四部凡一百

三十五種

稗海六觀十九冊刊本○明商濬校

增訂羣書備考四卷刊本○明袁黃著內九邊圖考抽燬

羣書類考二十二卷刊本○明凌瀚著并序

新編書林摘秀二卷刊本○明長州管簫撰謝瑞校正丁

丑林符序

羣珠摘粹一卷藍絲關鈔本○不著撰人名氏

脩辭鑑衡二卷

刊本

○劉起宗編

詞林摘艷十卷

刊本

○明張祿撰劉楫序

經濟文鈔十卷

刊本司馬公題籤

○明張惟安輯并序是書每類

以事體先後爲序八代不論謂當今要務莫大于宗藩

北虜河漕三事故采錄尤注意焉

古學彙纂十卷

刊本

○明周時雍輯并序方震儒序

中麓山人拙對二卷

紅絲闌鈔本

○明李開先著并序

詩對押韻二冊

刊本

○明耿純編次并說

白獺髓一卷

刊本

○明張文仲集

手鏡摘覽八卷

藍絲闌鈔本殘

○卷首未鈔序文目錄著書人名



無查明隆慶辛未方山吳岫卷後跋云南峯楊公集百  
家言爲奚囊手鏡以卷篇繁浩改訂無常積五十年而  
竟不成書末年括爲摘覽八卷

圓機活法五十卷

刊本

○亦詞章家之類書卷首無序文

不知何人所著

聯新事備詩學大成三十卷

刊本

○明林楨編集

紀事珠

刊本

○明劉國翰撰并自序是書分十四門不著

卷數

押韻釋疑八卷

刊本

○不著撰人名氏

啟蒙金壁四卷

刊本

○明吳道南撰

崑玉騰輝一卷

刊本

○明嘉靖吉水彭恒撰

小說類

西京雜記二卷

刊本

○晉丹陽葛洪撰

西京雜記六卷

刊本

○明吳郡沈與文校刊

西京雜記六卷

刊本

○明嘉靖壬子孔天允刊并序

世說新語八卷

刊本

○宋臨川劉義慶撰梁劉孝標注明

王世懋批點凌瀛初校

世說新語六卷

刊本

○宋劉義慶撰梁劉孝標注明嘉靖

乙未袁駉序

世說新語補二十卷

刊本

因話錄六卷

藍絲關鈔本

○唐趙璘撰

雲溪友議十二卷

藍絲關鈔本

○唐范攄撰

玉泉子聞見真錄一冊

藍絲關鈔本

○不著撰人名氏

雲仙雜記十卷

藍絲關鈔本

○唐馮贄撰

三水小牘二卷

刊本

○唐安定皇甫牧撰嘉靖甲子秦汴

序稱三水小牘一編乃唐皇甫尊美所撰蓋其食汾晉

時手紀咸通中事也余嘗錄得八則古今說海刻得七

則皆非全書海虞楊儀部夢羽家藏二卷似乎已備及

檢文獻通考其卷凡三今亡一矣姑先錄本以俟同志

補焉

孫內翰北里志一冊

藍絲闌鈔本

○唐翰林學士孫奭撰

唐摭言十卷

藍絲闌鈔本

○五代王定保撰

南唐近事三卷

刊本

○宋鄭文寶撰

賈氏談錄一卷

刊本

○宋張洎編并識云庚午歲予銜命

宋都舍于懷信驛左補闕賈黃中丞相魏公之裔也好古博雅善于談論每款接嘗益座間公館多暇偶成編綴凡三十一條

洛陽縉紳舊聞記五卷

藍絲闌鈔本

○宋張齊賢集并序云余

未應舉前數十年中多與洛城縉紳舊老善爲余說及唐梁已還五代閒事往往褻貶陳迹理甚明白使人終

日聽之忘倦退而記之旋失其本數十年來無暇著述  
今來營邱足病累月終朝無所用心追思曩昔縉紳所  
說及余親所見聞得二十餘事因編次之

南部新書一冊

藍絲闌鈔本

○宋錢易撰子明逸序云先君尙

書在章聖朝祥符中以度支員外郎直集賢院宰開封  
得一善事疏于方冊曠日持久乃成編軸命曰南部新  
書凡三萬五千言

儒林公議二卷

藍絲闌鈔本

○宋田況撰

涑水記聞二卷

藍絲闌鈔本

○宋司馬光撰

澠水燕談十卷 ○宋王闢之著紹皇二年自序澠水談者

齊國王闢之將歸澠水之上治先人舊廬與田夫牧叟  
閒燕談說間接賢士大夫談議有可取者輒記之久而  
得三百六十餘事私編之爲十卷蓄之中橐以爲南畝  
北窓倚杖鼓腹之資澠齊水之名其事隨所錄得之故  
無先後之序

歸田錄二卷

刊本

○宋歐陽脩撰

青箱雜記十卷

刊本

○宋吳處厚著明商濬校

後山叢談六卷

紅絲闌鈔本

○宋彭城陳師道著

孫公談圃三卷

烏絲闌鈔本

○宋劉延世撰皆記問于孫升之

語故名孫公談圃

孔氏設苑綱目五卷

藍絲闌鈔本

○宋孔平仲撰

畫墁錄一冊

藍絲闌鈔本

○宋張舜民撰

玉壺清話五卷

藍絲闌鈔本

○宋餘杭沙門文瑩著

東軒筆錄十五卷

烏絲闌鈔本

○宋元祐元年臨漢魏泰撰

侯鯖錄四卷

刊本

○宋趙令時德麟撰明頓銳序

泊宅編十卷

刊本

○宋方勺撰洪興祖序云泊宅翁學博

而志剛少時謂功名可力取不肯與世俯仰晚得一官

益齟齬不合一日過予於洞汭出所著泊宅編示予予

曰此翁筆端游戲三昧耳胸中不傳之妙盍爲我道其

崖畧翁默然無言予因書以序之

鐵圍山棧設六卷

藍絲關鈔本

○宋蔡條撰

過庭錄一冊

藍絲關鈔本

○宋高平范公偁編

揮塵前錄三卷後錄十一卷餘話二卷

藍絲關鈔本

○宋汝

陰王明清編

玉照新志五卷

藍絲關鈔本

○宋王明清編自序

邵氏聞見前錄二十卷聞見後錄十四卷

絲紙鈔本

○

前錄宋邵伯溫撰後錄邵博撰博伯溫子是編蓋續其

父書

北窻炙輿錄一卷

藍絲關鈔本

○宋施德操編

耆舊續聞十卷

藍絲關鈔本

○宋陳鵠撰



癸辛雜識前集一卷後集一卷續集二卷別集二卷

藍絲

闌鈔

○宋周密著并序云坡翁喜客談其不能者強之

說鬼或辭無有則曰姑妄言之聞者絕倒余臥病荒閒  
率野人疇士放言善謔醉談藝語靡所不有或獻一時  
之笑或起千古之悲其見給者固不少然求一二于千  
百當亦有之暇日萃之成編癸辛蓋余所居里云

二老堂雜志五卷

鈔本

○宋周必大撰

江鄰幾雜志一卷

藍絲

○宋江休復撰

碧雞漫志四卷

藍絲

○宋王灼撰

隨隱漫錄五卷

藍絲

○宋陳世崇撰

清夜錄一卷 刊本 ○宋余文豹著

冀越集一卷 刊本 ○明豫 熊太古撰并序

審齋瑣綴錄八卷 ○明尹審齋撰并序云予自入仕至歸

田五十餘年來所得于耳目者不可勝紀每見楮筆在

前輒錄一二詞無藻繪事無類次積久成帙命之曰瑣

綴

雙槐歲鈔十卷 刊本 ○明黃瑜撰并序

雙溪雜記一卷 繅紙藍綠 刪鈔本 ○洮汶王晉溪著并序云予所

居岩穴在雙溪之閒怡神養氣之餘忽有所思輒錄于

冊久而成帙雖不敢自謂盡合道理然皆紀實無空言

者

寓圃雜記一卷

刊本

○明長洲王錡著

復齋日記一卷

刊本

○浙東許浩著

野記四卷

烏絲格鈔本卷首有東明山人而東范氏家藏圖書

○明祝允明撰

前問記一卷

烏絲格鈔本

○明祝允明撰

近峯問畧八卷

烏絲格鈔本

○明吳郡皇甫錄世庸著子冲序

云先君頗好編續淹貫經緯周覽邱墳一時博文多識

之士識辨而不能窮起義而不能難焉然頗好編續積

二十餘年得數百千條授冲爲之編次命曰義本散珠

言因汗漫吾以識歲月云爾毋以類繁傷吾本旨于是

讐其訛謬刪其互同分爲八卷闕而不載者蓋十三四云不以流貫體裁爲別而以披閱見聞爲次目曰近峯聞略命梓人鐫諸家篋

翦勝野聞一卷

刊本

○明徐禎卿撰

碧里雜存一冊

刊本

○明浙西董穀

撰

孤樹裒談十卷

刊本

○明李默撰

內有據定之

夫正統辨別篇俱已刪去

孤樹裒談五卷

刊本

○明李默撰游村序

西吳里語四卷

刊本

○明宋雷著并序

水東日記二十八卷

刊本

○明崑山葉盛錄

暨談六卷

刊本

○明關西胡侍撰嘉靖丙午喬世寧序云

天一閣書目  
余覽濛溪胡子近著聖談一書其體雖不異于小說乃  
其事實有可據足以證往籍備時事稽政體研物理撫  
臺獅山柯公命守西安朱君刻之以傳余以濛溪子窮  
經脩詞三十餘年詩文若干卷已盛傳于世是編雖其  
緒餘而達識精詣若此竊懼夫世之弗察者猥以爲稗  
官齊諧者類也故畧著其指意云

故事備要四冊

烏絲闌鈔本

○不著撰人名氏

穆天子傳六卷

刊本

○晉郭璞註至正壬子北岳王漸元

翰序云穆天子傳出汲冢晉荀勗校定爲六卷有序言  
其事雖不與其文甚古頗可觀覽予考書序稱穆王享

國百年耄荒太史公記穆王賓西王母事諸傳說所載多合則此書蓋備記一時之詳不可厚誣也南臺都事海岱劉貞庭翰舊藏是書懼其無傳暇日稍加讐校訛舛命金陵學宮重刊與博雅之士共之明司馬公諱欽

訂

穆天子傳六卷

刊本

○晉郭璞注宋王漸序明司馬公諱

欽訂陳德文校刊

神異經一卷

刊本

○漢東方朔撰

十洲記一卷

藍絲關鈔本

○漢東方朔撰

漢武帝內外傳二卷

藍絲關鈔本

天一閣書目

王子年拾遺記十卷

刊本

○蕭綺錄并序云拾遺記者晉

隴西安陽人王嘉字子年所撰凡十九卷二百二十篇皆爲殘缺今搜檢殘遺合爲一部十卷序而錄焉

晉干寶搜神記

紅絲闌紙鈔本

杜陽雜編三卷

藍絲闌鈔本

○唐乾符三年蘇鶚撰并序云予

嘗覽王嘉拾遺記郭子橫洞冥記及諸家怪異錄謂之虛誕而復訪問博文強識之士或潛夫輩頗爲國朝故實始知天地之內無所不有或限諸戎貊隔于年代洎貢藝闕下十不中一司掄選屢接朝士同人語事必三復其言然後題于簡策藏諸篋笥暇日閱所記之事逾

數百紙中有繁鄙者並棄而復錄精實者編成上中下  
三卷自代宗廣德元年癸卯訖懿宗咸通癸巳合計有  
一百一十載然耳目相接庶可傳焉知我者謂稍以補  
緼緼之遺缺也今武功縣有杜陽城杜陽水予武功人  
故以爲名

桂苑叢談一卷

藍絲關鈔本

○唐馮翊子子休撰

劇談錄二卷

藍絲關鈔本

○唐將仕郎崇文館校書康駢撰

唐闕史二卷

藍絲關鈔本

○五仁高彥休撰并序云自武德貞

觀而後吮筆爲小說小錄補史稗史野史雜錄雜記者  
多矣貞觀大歷以前拮據無遺事大中咸通而下或有



所以爲誇尙者資談者垂訓誡者惜乎不書於方冊  
輒從而記之其雅登于太史氏者不復再錄且其間近  
屏幘者涉疑誕者又刪去之十存二三焉共五十一篇  
分爲上下卷約以年代次序尋討經史之暇時或一覽  
猶至味之菹醢也甲辰年清和月編次

甘澤謠一卷

藍絲關鈔本

○唐袁郊撰卷首殘缺

錄異記八卷

藍絲關鈔本

○唐杜光庭撰

江淮異人錄二卷

藍絲關鈔本

○宋吳淑撰

青瑣高議二十卷

藍絲關鈔本

○劉斧撰資政大夫學士孫副

樞序云萬物何常不同亦何常不異同焉者人也異焉

者鬼也知鬼神之情狀者聖人也見鬼神而驚懼者常人也吾聖人所不言者虛後惑之甚也劉斧秀才自京來謁出異物事數百篇予愛其文嘉其志勉道百餘字序其所以

五色線集二卷

刊本

○不著撰人名氏按中興館閣書目

稱不知作者據百家雜事記之爲類門

閒窻括異志一冊

烏絲闌鈔本

○東湖魯應龍編

都公譚纂二卷

刊本有東明外史一印

○明陸采編次

虞初志八冊

刊本

○不著撰人名氏

述異補遺一卷

藍絲闌鈔本

○明李昌齡編卷末題嘉靖戊申

蜡月既望錄于陶齋汝南袁表志

獨異志三卷

藍絲闌鈔本

○明李允纂序殘嘉靖戊申袁表識

云廣異稽神宣室三種皆從吳方山太學所借得托羅事拙膽繕類入獨異志共成一帙以便披覽且免散逸之苦

汴京殉異記八卷

刊本

○明大梁李濂川父著并序云余

既著汴京遺蹟志凡荒唐幻怪之說悉黜之矣客有造余者曰汴地爲古帝都人物繁夥其間神奇詭異之迹見諸載籍傳之父老者弗可勝述子胡爲不錄余應之曰魯論有之子不語怪力亂神客曰不然著於易書詩

春秋者若日中見斗載鬼一車姜嫄之孕傅巖之夢豈  
非神怪之甚哉苟局于耳目聞見之狹而遂謂天下無  
是事何其固也余思其言亦有至理於是蒐索羣書以  
爲汴京勿異記門分類聚勸善悚惡雖未能成一家之  
言聊足以存邑里之舊聞助閒居之叢談而已

索奇志一卷

刊本

○明顧祖訓編

艷異編四十五卷

刊本

○不著撰人名氏

博物志十卷

刊本

○晉司空張華撰汝南周日用音註明

宏治癸亥劉遜重刊

會真記一冊

刊本

○唐河南元稹撰東陽郭基校刊

清異錄二卷

烏絲闌鈔本

○宋陶穀撰

漁樵閒話一卷

刊本

○明朱睦㮮撰

談諧一卷

藍絲闌鈔本

○陳日華編

陳眉公秘笈十二冊

刊本

○明陳繼儒編

公餘日錄四卷

刊本

○明李尚質著 程宗尹等有序

談藝錄二卷

刊本

○明歸安山泉愔 蒙編選光祿公校正

塵談錄二卷

藍絲闌鈔本

○沈儀著

蘇談一卷

刊本

○明楊循吉君謙著

菽園雜記十卷

刊本

○明吳郡陸容著

科場漫筆三卷

刊本

○明大梁李濂撰

紀事文華一冊 刊本 ○明朱寶撰

藝苑卮言四卷 刊本 ○明王世貞著

翦燈餘話五卷 刊本 ○明李昌祺撰曾棨王英羅汝劉敬

俱有序

秣林伐山二十卷 ○明楊慎著隆慶六年吳郡凌雲翼刊

解頤新語八卷 刊本 ○明皇甫汈撰黃魯曾序

閒中古今錄二卷 藍絲關鈔本有范氏圖書之記一印圖章 ○明陳頎撰并序

云陽武爲開封屬邑境無山川名勝可以登臨眺望士

惟務舉子業不樂吟味談嘯子職在分教有掌學者以

總其要故日與童冠之生二十餘人點檢課業之外卒

多閒暇而無所事焉因錄古今之事迹且凡平昔之觀  
聞有可以勸懲有可以憂喜者萃爲一編名之曰閒中  
古今錄聊以藏諸篋笥

閒中古今錄一冊

漫堂隨筆一卷

藍絲闌鈔本

○明唐寅撰卷末有跋云吳趨唐

省元伯虎遺書中有漫堂隨筆一卷所載多元祐間事  
雜以幽冥報應芟桃神奇余疑其怪誕况值歲單雪甚  
手凍皴不能運筆祇摘其涉于倫理者書之丙辰蜡月  
下旬皇山人姚咨識

東澤綺語一卷

絲紙鈔本

○明鄱陽張輯撰

一得卮言二卷

刊本

○明邵應試撰

醫貧集一冊

刊本

○樵李孫子麟述

豚豔言一冊

刊本

○古睦吳明誠著

還山春事一卷

刊本

○程先貞著

青溪暇筆一卷

刊本

○金陵姚福撰

案垢錄

刊本

○彬陽何孟春著

龍江夢餘錄四卷

藍絲關鈔本

○唐錦著

夢齋筆談二卷

藍絲關鈔本

○鄭景星撰

唐小說一卷

鈔本

○彭城劉餗著

龍木論十卷

刊本

○不著撰人名氏



懶仙竹林漫錄三卷 刊本 ○不著撰人名氏

震澤記問一卷 藍絲開鈔本卷首有東明草堂范氏看畫記七十二峯一吾廬之印 ○不著

撰人名氏

改三寶爲家寶一卷 藍絲開鈔本 ○不著撰人名氏

釋家類

大方廣佛華嚴經合論一百二十卷 ○唐方山長者李通

元撰

大方廣佛華嚴經一藏要解二卷 ○宋建炎戊申溫陵白蓮寺比丘戒聚集自序謂本方山長者疏論及取清涼國師綱要與論以成斯解洞究全藏凡萬八千言

華嚴懸談會元記十五卷○蒼山再光寺比丘普瑞集

華嚴法界觀通元記五冊○宋餘杭靈芝蘭若釋元照序

東京夷門山釋廣智大師本嵩集

大佛頂首楞嚴經十卷○天竺沙門般刺密帝譯烏長國

沙門彌伽釋迦譯語菩薩戒弟子前正議大夫同中書

門下平章事清河房融筆授

首楞嚴經元覽一卷○四明沙門柏庭善目述

首楞嚴經會解十卷○師子林沙門惟則會解

楞伽阿跋多羅寶經註解四卷藍絲闌鈔本○宋求那跋多羅

奉詔譯明天界善世禪寺釋宗泐演福講寺釋如玘奉

詔同註序如記識後云今經四卷凡四品總名爲佛語  
心而無別品之目魏本十卷分十八品唐本七卷分十  
品後東都沙門寶臣註唐本則取魏之餘八品如次間  
入亦成十八品夫楞伽一經乃諸佛所說心法佛說此  
法今一切菩薩入自心境則知云佛語心品明據一經  
大意而言之其魏唐二本別分品目者據經之節段而  
分之使學者易曉知文有總別理無二致也翰林學士  
承旨嘉議大夫知制誥兼修國史兼太子贊善大夫臣  
金華宋濂題後

楞伽阿跋多羅寶經四卷晉靈沙門正受註

金剛經一卷○姚秦三藏法師鳩摩羅什譯

金剛經論二卷

藍絲闌鈔本

○無著菩薩造隋南天竺三藏法

師達摩笈多譯

金剛經論二卷

藍絲闌鈔本

○天親菩薩造元魏三藏法師菩

提留支奉詔譯

金剛經註解一卷

藍絲闌鈔本

○明釋宗泐釋如玘奉詔同註

心經一卷○唐三藏法師玄奘奉詔譯明洪武十一年御

製序文

心經註解一卷

藍絲闌鈔本

○明釋宗泐釋如玘奉詔同註

心經集註一卷

大方廣圓覺修多羅了義經二冊○唐屬賓沙門佛陀多羅譯裴休序

圓覺經畧疏十二卷○唐終南山草堂寺沙門宗密述法華經七卷○唐終南山釋道宣序

如經解一卷○天竺國沙門般刺密帝譯烏長國沙門彌伽釋迦譯語補陀山開士耆闍海解

大藏一覽集十卷○明寧德優婆塞陳實原編

六祖大師法寶壇經一卷○永嘉張遵業有功校正

六祖大師法寶壇經贊一卷○宋明教大師契嵩述

肇論中吳集解三卷

藍絲闡鈔本

釋僧肇法師著宋嘉祐晉

水沙門淨源集招提寺僧慧達序

宏明集十四卷

藍絲闌鈔本卷首有天  
一闕古司馬氏二圖章

○梁釋僧祐撰

廣宏明集六卷

藍絲闌鈔本

○唐終南山釋道宣撰

甄正論三卷○唐佛授記寺沙門元嶷撰

脩集止觀坐禪法要一卷

卷首有天  
一闕圖章

○天台山脩禪寺沙

門智顓述宋餘杭釋元照序

心賦一卷○永明寺智覺禪師延壽述寧遠軍節度使錢

惟治序

宗鏡錄撮要一卷○宋盧芥湛後序云永明壽禪師宗鏡

錄文字浩博學者望涯而返東嘉曇賈上人百掇一二

名曰撮要

四家錄二卷○宋洪州黃龍山住持傳法沙門惠南編

原人論

藍絲闌鈔本

○無名氏撰并自序其文凡四篇

婺州雙林寺善慧大士錄四卷○菩薩戒弟子國子進士

樓穎撰

四明尊者教行錄六卷○四明石芝沙門宗曉編

別行疏一卷○敕太原府大崇福寺沙門澄觀述

佛神通載二十二卷○宋嘉興路大中祥符禪寺住持華

亭念常集至正元年虞集序松江余山昭慶住持比邱

覺岸序

釋迦如來成道記一卷○唐王勃撰慧悟大師道誠註  
諸天傳二卷○吳興烏戌釋行霆述

諸祖歌頌一卷

高僧傳十三卷○梁會稽嘉祥寺沙門慧皎撰

續高僧傳三十一卷○唐釋道宣撰

宋高僧傳三十卷

藍絲關鈔本

○宋左街天寺通慧大師賜紫

贊寧左街相國寺講經論大德賜紫智輪同奉敕撰

神僧傳八卷○不著撰人名氏明永樂十五年御製

林間錄

卷

刊本

○宋釋惠洪撰

五燈會元二十卷

每卷首有天一閣古司馬氏二圖章

○宋靈隱大川禪師



撰元至正甲辰萬壽永祚禪寺住持翻譯釋廷俊序云  
宋景德間吳僧道原作傳燈錄眞宗詔翰林學士楊億  
裁正而序之天聖中駙馬都尉李遵勗爲廣燈錄仁宗  
御製序建中靖國元年佛國白禪師成績燈錄徽宗作  
序淳熙十年淨慈晦翁明禪師作聯燈會淡齋李泳序  
之嘉泰中雷庵受禪師作普燈錄陸游序斯五燈之所  
由始與藏典並傳宋季靈隱大川禪師濟公以五燈爲  
書浩博學者罕能通究迺集學徒作五燈會元以惠後  
學恩至渥也會稽開元大沙門業海清公每慨五燈會  
元板燬學者于佛祖機語無所攷見于是罄衣鉢之資

募衆而樂成之○明嘉靖重刊陸光祖序

宋景德傳燈錄三十卷○吳僧道源纂

續錄三十六卷○天聖中駙馬都尉李遵勗纂

廬山寶鑑十卷○元釋普度編集

禪宗正脈十卷○明宏治嘉興釋如岱著

傳燈要語一卷○明嘉靖庚申畏齋子序

師子林天如和尚淨土或問一卷○小師善遇編明崇德

住山比丘際聲重刊

歸元直指二卷○明嘉靖四明延慶講寺傳天台教觀沙

門一元宗本序寧波府副都綱延慶講寺梅川道中重

刊

龍舒淨土文十二卷

刊本

○王日休撰呂師說等序

天如禪師語錄十卷

每卷首有東明山人萬古同心之學二圖章

○小師善遇

編元危素序

普庵語錄四卷○明永樂二十一年御製序文

禪林寶訓二卷○東吳沙門淨善重集

緇門警訓三卷○明成化甲午嘉禾釋如沓重刊

禪家六籍十六冊○不著編書人姓名

任慈明晦二卷○沙門祿宏撰并註沈泰鴻序

治父星朗和尚廣錄

曇陽大師傳一卷

釋氏源流二卷○不著撰人名氏王勃序并銘

湘山事狀十二卷○宋蔣擢撰知全州軍州事留元長序

序讚文十篇

藍絲闌鈔本

○明太宗文皇帝御製

募緣雜錄一卷

刊本

○四明阿育王寺歷代碑銘記錄

三藏目錄四卷

藍絲闌鈔本

○不著編輯人姓名

大藏音二卷○宋宣德郎柳預重刊

寒山子詩集一卷豐干拾得詩附

刊本

○宋閻邱允序

華亭船子和尙機緣詩一卷

刊本

○宋大觀步松澤叟呂

益柔識云雲間船子和尙法嗣藥山飄然一舟汎於華

亭吳江朱涇之間夾山一見悟道常爲撥擢歌其播傳  
人口者纔一二首益柔於先子遺編中得三十九首因  
書以遺風涇海惠卿老俾鑿之石以資禪客玩味云船  
子事實備見傳燈此不復載

釋氏古詩一卷

釋門古詩一卷

紺絲關鈔本

○無編選名氏

釋藻集六卷

刊本

○明楊慎彙集鄧繼曾序傳是書從佛

典宏明集三教珠英法苑珠林高僧傳采取而成所附  
文人詩若梁簡文昭明太子輩多借禪喻心詠空激世  
者

龐居士詩一冊○龐蘊撰

道家類

廣成子解一卷刊本○廣成子撰宋蘇軾解明司馬公諱

欽訂

陰符經三皇玉訣三卷○其書述黃帝得陰符經問於廣成子及天皇真人皆稱黃帝問二人答前有黃帝御製序一首江浦石淮序

三皇玉訣三卷心法三卷陰符經註二卷又二卷藍絲闡鈔本卷

首有范氏尚友右堂書畫圖章○玉訣三卷軒轅黃帝撰并序心法三

卷蜀胥元一註無序陰符經二卷金陵道人唐淳註正

大巳丑孟倬然序又一卷長生子劉處元註明范懌序

黃帝陰符經解一卷○保寧大師蹇昌辰解

黃帝陰符經註三卷○太元子侯善淵註并序

陰符性命集解一卷○明寧王權註

黃帝九鼎神丹經訣二十卷

藍絲闌鈔本

水經藥法一卷

藍絲闌鈔本

○軒轅黃帝撰

宅經龍首玉衡元女三矯等經六卷

藍絲闌鈔本

元始說先天道德經註解五卷

烏絲闌鈔本卷首有東明古司馬氏二圖章

宋李嘉謀註解明王宗沐批點屠峻錄嘉靖丙寅龍陽

山人序云此經故宋息齋先生李君嘉謀隨章爲之解

板行西蜀至寶祐間天飴子謝公圖南爲序而傳則蜀本已不存矣初公宦游嶺表卽蒐訪此經乃得于方外一蜀士之手猶獲至寶嘉興道士李君可久募工鑊梓以傳又得所謂八威龍文亦出先天向異人所授者併刻之以爲世之全書

太上虛皇天尊四十九章經一卷○明邵輔序

先天元妙玉女太上聖母資傳仙道一卷

藍絲闌鈔本

太清元極至妙神珠玉顆經一卷

藍絲闌鈔本

太上靈寶女丹經一卷

太上除三尸九蟲保生經一卷



太上大清天童護命妙經一卷

藍絲闌鈔本

○姑射山太元子

侯善淵註并序

九轉流珠神仙九丹經二卷○太極真人撰

上洞心丹經訣三卷○太極真人嗣孫述

太上洞神元妙白猿真經一卷

藍絲闌鈔本

太上通元靈應經一卷

藍絲闌鈔本

祕藏通元變化六陰洞微遁甲真經三卷

藍絲闌鈔本

太古土兌經三卷○無名氏序

金碧古文龍虎上經二卷

洞極真經一卷○不知作者姓名元魏關朗子明傳次無

名氏序

黃庭內景玉經二卷

刊本

○一名太上琴心文一名大帝

金書一名東華玉篇見黃庭內景玉經訣又清虛真人

訣云內景黃庭經者扶桑帝君之金書鍊真之祕言也

太上黃庭外景玉經三卷

藍絲闌鈔本

○梁邱子註解

黃庭內景五藏六腑圖一卷

藍絲闌鈔本

○太白山見素女子

胡愔撰

道德經二卷

刊本

○漢河上公註

道德真經指歸十三卷

藍絲闌鈔本

○漢蜀郡嚴遵撰谷神子

註

道德經四卷

藍絲闌鈔本

○魏王弼註政和乙未嵩山晁說之

鄭疇記後

唐元宗御製道德真經疏十卷

藍絲闌鈔本

唐元宗御製道德真經疏摘錄四卷

道德真經廣聖義三十卷

藍絲闌鈔本

○唐天復元年廣成先

生杜光庭述并序

道德真經元德纂疏二十卷

藍絲闌鈔本

○濠陽強思齋纂杜

光庭序

太上老子道德經二卷

刊本

○無垢子何道全述註太極

左仙公葛元序

老子二卷

藍絲闌  
鈔本

○宋眉山蘇轍註并後序云子年四十

有二謫居筠州筠雖小州而多古禪刹四方遊僧聚焉  
有全道者住黃蘗山南公之孫也行高而心通喜從予  
遊嘗與予論道迨子居筠五年而北歸全亦化去迄今  
二十餘年矣凡老子解亦時有所刊定未有不與佛法  
合者時人無可與語思復見全而示之故書之老子之  
末

道德真經取善集十二卷

藍絲闌  
鈔本

○宋饒陽居士李霏集

并序

道德真經傳四卷

藍絲闌  
鈔本

○宋呂惠卿傳并序

道德真經四子古道集解十卷

朱絲闌鈔本

○宋大定十九年

己亥古襄寇才質集并序云莊列文庚四子之書迺老  
氏之門人所親授僕昔隨佐嘗遊京都得參高道講師  
略叩元關盡爲空性之說不能述道之一二故據其四  
子引其真經集爲一編計一十卷以破雷同之說因目  
之曰四子古道義又述經史疏十卷以相爲表裏

宋徽宗道德真經解四卷

藍絲闌鈔本

宋徽宗道德真經解義十卷

朱絲闌鈔本

○宋章安撰并序

道德真經藏室纂微篇八卷

藍絲闌鈔本

○宋陳景元撰寶祐

戊午楊仲庚序

道德真經藏室纂微開題科文疏五卷手鈔二卷

藍絲闌鈔本

○太霞老人薛致元述浮陽李廷序云太霞真人性純德粹學問賅通號爲羽流宗匠執經講演垂五十年可謂升堂覩奧矣廼于靜練之暇撰成科文義疏七卷纂微開題及總章夾頌各二卷書成既久祕而不出鳳翔張公大師美原白公顯道再三懇請欲鏤版以廣其傳京兆劉伯英贊而成之且囑僕爲序

道德真經集義十七卷大旨三卷

藍絲闌鈔本

○宋凝遠大師

劉維永編集丁易東校正

道德經講義十二卷○宋呂和常撰并表進明宣德七年

錢塘周思德序

道德真經集註十八卷

藍絲闌鈔本

○宋彭耜纂集并序

道德真經集註釋文一卷又集註雜說二卷○宋彭耜纂集并序

老子集解二卷又考異一卷

刊本

○宋薛惠著并序祥符

高叔嗣序云毫老子所產也初老子著書言天道元虛自漢以下莫能遡其本旨州人薛考功先生始覃思大道之原究意天人之一析衷羣言合于築度老子之道乃粲然大明書成嘉成九年歲在庚寅之次

老子通義二卷

刊本

○明朱得之著

道德經附註二卷。元四明黃閔玉撰并題詞。

道德真經三解四卷。元鄧錡述并序。

道德真經註四卷。藍絲闌鈔本。元李榮註。

道德真經註二卷。藍絲闌鈔本。元林志堅註。

道德真經二卷。藍絲闌鈔本。明洪武七年御註。

道德經解二卷。刊本。明薛申註并序。

道德真經集義六卷。藍絲闌鈔本。明洪武丁卯圩江危大有。

### 集并序

道德真經真解四卷。朱絲闌鈔本。本來子邵若愚真解。

道德真經全解二卷。藍絲闌鈔本。毫社時雍逍遙解。



道德經輯解二卷

刊本

○理山居士皇甫濂輯解并序

道德真經傳四卷

朱絲闌鈔本

○吳郡陸希聲傳并序

道德真經集解四卷

藍絲闌鈔本

○趙學士集解

道德真經註疏八卷

藍絲闌鈔本

○吳郡徵士顧歡述

道德真經註二卷

藍絲闌鈔本

○嗣漢三十九代天師太元子

張嗣成訓頌

道德真經疏義六卷

藍絲闌鈔本

○趙志堅著

道德真經新註四卷

藍絲闌鈔本

○李約註

道德真經衍義手鈔二十卷

藍絲闌鈔本

○五峯清安逸士王

守正集

道德真經義解四卷

藍絲闌鈔本

○息齋道人解

道德性命前集二卷

刊本

○明涵虛子寧王權注

道德真經解二卷

藍絲闌鈔本

○無名氏解

道德真經次二卷附異同字一卷

藍絲闌鈔本

○無名氏撰

道德性命後集三卷刊本○孫宸洪補註

道德元經原旨四卷發揮二卷

藍絲闌鈔本

○老子撰宋杜道

堅註

太上老君說常清靜經一卷

清淨經四註

藍絲闌鈔本

○瑩蟾子李道純註太元子侯善淵

註蜀杜光庭註混然子王玠道淵纂圖

太上老君元道真經註解一卷藍絲闌鈔本 ○合明子隱芝之向

秀註

老子說五廚經註一卷藍絲闌鈔本 ○唐肅明觀尹愔註并序

西昇經集註六卷藍絲闌鈔本 ○華陽韋處元句曲徐道邈冲

虛子 任真子李榮劉仁會註碧虛子集并序云周

之衰也老氏非伏其身而弗見也非閉其言而不出也

非藏其智而不發也時命大謬也已而厭世去官將以

遯迹當是時也關尹望氣知有博大真人西遊乃齋莊

遯道邀迎至舍請問乙密于是爲著言若干其微言與

旨出入五千文之間紀而成書名曰西昇記莊子多稱

其言有在子是者碧虛子聞其風而說之授遺編于藏室得註解者凡五家先校取經之是者後竄去註經之非者集成二篇今作六卷依舊號曰老子西昇經

老子顯道經一卷

藍絲闌鈔本

感應篇集註二卷○關西單世校梓

文始經一卷

刊本

○周關門令尹喜著元至元二十二年

吳興趙孟頫記云關令尹喜周大夫也老子西游喜望見有紫氣浮關知真人當遇候物色而迹之果得老子老子亦知其奇爲著書喜旣得老子書亦自著書九篇名關尹子今陝州靈寶縣太初觀乃古函谷關候見老

子處終南宗聖宮乃關尹故宅周穆王脩其草樓改號樓觀建老子祠道觀之興實祖于此老子授經後西出大散關復會於成都青羊肆賜號文始先生卽莊子所謂博大真人也

文始真經九卷○周尹喜著宋神峯逍遙子牛道淳直解文始真經三卷○宋抱一先生門弟子希微子王夷受

文始真經言外旨九卷朱絲闡鈔本○宋抱一子陳顯微述門

弟子王夷序

通元真經十二卷藍絲闡鈔本○周文子撰唐默希子註并序

通元真經續義十二卷○宋杜道堅撰并序

列子八卷

刊本

○周列禦寇撰唐當塗縣丞殷敬順釋文

永始三年張湛註并序

冲虛至德真經義解六卷

宋絲闌鈔本

○宋徽宗皇帝御撰唐

天寶元年詔號列子爲冲虛真經

冲虛至德真經解二十卷○宋江通撰

冲虛至德真經四解二十卷

南華真經註疏三十五卷○晉郭象註并序唐西華法師

成元英疏并序明甬東屠峻田叔校錄

南華經十卷

刊本

○晉郭象子元註唐陸德明音釋

南華真經義海纂微一百六卷

藍絲闌鈔本

○宋武林道士褚

伯秀學咸淳元年劉震孫序

莊子諸家註八卷

藍絲關鈔本卷首有天一閣古司馬氏二圖章

○宋褚伯秀輯

鄱陽湯漢序

三子口義十四卷

刊本

○元林希逸著正德戊寅國子司

業汪偉跋嘉靖乙酉江汝璧重刊後序云老子列子莊子口義舊梓書林蓋勝國時本也而今弗傳吾郡侯西潭張公以所藏活字摹本復梓之公名士鎬字景周西潭其號也

亢倉子九卷

刊本

○庚桑楚撰何粲註黃諫音釋

洞靈真經二卷○何粲註是經卽亢倉子也唐天寶元年

詔號亢倉子爲洞靈真經

黃石公素書二卷○魏魯張商英合註

黃石公素書集解一卷○明元州道人涵虛子耀仙註并序涵虛子卽寧王權

列仙傳二卷○漢劉向撰

援神契一卷

藍絲關鈔本

○不著撰人名氏

周易參同契三卷

卷首有天一閣占司馬氏二圖章

○東漢魏伯陽撰

參同契五相類祕要一卷○東漢魏伯陽演宋盧天驥上

進

悟道真詮三卷○參同契諸仙祕要攝生要義三書合刻



東漢魏伯陽撰

參同契三卷○東漢徐景休箋註并補塞遺脫一卷東漢會稽淳于叔通贊

金碧五相類參同契三卷

藍絲闌鈔本

○東漢陰長生註并序

金丹正理大全周易參同契通真義三卷○後蜀真一子彭曉撰紫霞山人涵蟾子編輯

周易參同契三卷

藍絲闌鈔本

○宋陳顯微解并序

周易參同契發揮三卷釋疑三卷○宋俞琬撰

周易參同契本義

一冊烏絲闌鈔本

○明周瑛撰并序

周易參同契三卷

藍絲闌鈔本

○儲華谷註

周易參同契集註三卷○廣陵上陽子註

太清金液神丹經三卷脩丹祕訣一卷○東漢陰長生撰  
陰真君還丹歌一卷○宋陳搏註

陰真君金石五相類一卷

元門脈訣內照圖一冊○漢華陀撰

抱朴子內篇二十卷刊本○晉葛洪撰

抱朴子外篇五十卷刊本○晉葛洪撰

抱朴子十一篇藍絲闌鈔本○晉葛洪撰

神仙傳十卷○晉葛洪撰

稚川真人校證術一卷藍絲闌鈔本

褚氏遺書一卷○齊褚證編

眞誥十卷○梁陶宏景撰明王瓚序

養性延命錄二卷

藍絲闕鈔本

○梁華陽陶隱居集并序云余

因止觀微暇聊復披覽養生要集其集乃錢彥張湛道  
林之徒翟平黃山之輩咸是好事英奇志在寶育或鳩  
集仙經眞人壽考之規或得采彭鏗老君長齡之術上  
白黃農以來下及魏晉之際但有益于養生及招損于  
後患諸本先皆記錄今畧取要法剛棄繁蕪類聚篇題  
分爲上下兩卷卷有三篇號爲養性延命錄或云此書  
孫思邈所集

續仙傳一卷○唐深水縣令沈汾傳明黃省曾贊

坐忘論一卷

朱絲關鈔本

○唐司馬承禎撰

天隱子一卷○唐貞一先生司馬承禎撰并序宋胡璉跋  
後

錦身機要二卷○唐毘陵混沌子撰魯志剛註并序云錦  
身機要之書乃採真機要之梯航也昔漢之正陽翁傳  
于唐之希賢鄧先生相繼不遇至人則不傳也稽之自  
古及今學道之士知采真而不知錦身有焉知錦身而  
不知採真有焉二者兼脩者幾何人哉其毘陵混沌子  
慕道精誠存心懇切是以希賢先生以金丹口訣作成

採真機要以授之猶慮乎不知錦身機要則煉己之功不可得也故又以錦身之事作成絕句三十六首以按三十六氣候次之三卷上之十二首以錦其龍中之十二首以錦其虎下之十二首以錦其龍虎交媾之要以授之所以採真煉己之功預集授真之道既授而復請予以爲註予於每章之下釋以直指以成其書

宗元先生文集三卷附元綱論南統大君內丹九章經

絲

紙朱絲  
圖鈔本

○唐華陰吳筠撰禮部侍郎權德輿序筠字貞

節

大丹鉛汞論一卷○唐金竹坡撰

三洞珠囊十卷

藍絲闌鈔本

○唐王懸河撰

藥石爾雅一卷

藍絲闌鈔本

○唐梅彪撰并序

素問六氣元珠密語十七卷

烏絲闌鈔本

○唐啟元子述并序

西山羣仙會真記五卷

藍絲闌鈔本

○唐施肩吾撰并自序李

竦編

仙苑編珠三卷

藍絲闌鈔本

○後唐王松年撰

墉城集仙錄六卷

藍絲闌鈔本

○蜀杜光庭撰

神仙感遇傳五卷

藍絲闌鈔本

○蜀杜光庭撰

廣成集十七卷

藍絲闌鈔本

○蜀杜光庭撰

和谷子十三篇○石晉正陽真人鍾離權寂道撰華陽真

逸施肩吾序宋雲峯散人夏元鼎宗禹編

金丹詩訣二卷○唐純陽真人呂巖撰宋夏元鼎編

元帝問道一條純陽先生敲爻歌一章藍絲闌鈔本○明守鉏

野叟校正

藍關記一卷○唐瑤華帝君韓若雲撰

鍾呂二先生脩真傳道集三卷藍絲闌鈔本○正陽真人鍾離

權述純陽真人呂巖集華陽真人施肩吾希聖傳宋宣

和元年金門羽客習房子序云真脩傳道集實至人鍾

離雲房子口授呂洞賓之女也華陽須真施希聖所傳

論天地日月陰陽之根坎離元牡水火之用以道爲之

軀煉無爲之質從凡入聖之門也以陽煉陰之道也仙也者陰盡而純陽氣結而神住精銳洞一而不散與道同真是曰金丹成道入虛千變萬化無始無終也經曰陰陽相半則爲人陽盡陰存則爲鬼是以聖人斷慾念明虛己體無爲含真靜皆遠陰境而造陽晶入有出無故名無礙也斯文不敢自祕鏤版傳播以示初學

靈寶異法三卷

藍絲關鈔本

○正陽真人鍾離權雲房著純陽

真人呂巖洞賓傳

化書六卷○南唐紫霄真人譚景昇撰明翠虛子鄭常清重刊宏治甲子賜進士奉政大夫抱犢山人李紳緒序



云化書一冊凡六卷分道術德仁食儉六化共一百一  
十篇其意謂道不足繼之以術術不足繼之以德德不  
足繼之以仁仁不足繼之以食食不足繼之以儉亦有  
補于世教之文也國初潛溪先生宋景濂評其文高簡  
可亞關尹子其于黃老道德實有所見是書在天順間  
代府版行歲久磨滅見之者罕方外友鄭君常清深得  
是書之旨恐後人之不及見也欲翻刻之謀于定州善  
士劉達字景亨者卽慨慷捐資命工壽梓間以序屬予  
故僭述數語爲之引云

瓊瑄白玉蟾上清集八卷

刊本

○宋葛長庚撰

海瓊摘稿十卷

刊本

○宋白玉蟾撰明唐曹序

金丹大成集註一卷

刊本

○宋蕭廷芝撰鶴林真逸彭起

南園逸叟童應舉俱有序

雲笈七籤百二十卷附靈驗記二卷

藍絲闌  
鈔本

○宋張君房

撰進并序

脩養雜鈔一卷

朱絲闌  
鈔本

○宋汪順遠撰

三洞羣仙錄十卷

藍絲闌  
鈔本

○宋陳葆光撰

元學正宗一卷

藍絲闌  
鈔本

○元林屋洞天石澗真逸俞玉吾

著男仲溫識云右易外別傳先君子之所著而附于周易集說之後者也先君子嘗遇隱者以先天圖指示邵

子環中之極元故是書所著發明邵子之學爲多

席上腐談二卷

紅絲闌鈔本

○宋俞琬撰

至命篇二卷

烏絲闌鈔本

○宋王慶升撰并序云謹依師傳金

丹軌則述爲至命之篇傳之私楮以淑同志曰安爐立鼎曰火候法度曰野戰守城曰沐浴脫胎觀之者宜悉心焉

雲宮法語二卷○汪可孫纂并序

沖一迂談一卷○宋萬安國撰

金丹直指一卷

藍絲闌鈔本

○宋永嘉周無所述并序云余著

金丹十六頌直言性命之奧故以直指言余自幼學時

與世異好慕道既切訪師益廣淳祐壬寅年遇赤城林君自然以丹法授余又拉余往拜其師李真人片言之閒盡得金火返還之要余廼遍走叢林請益諸老繼聞宗陽碧虛方先生得紫陽張真人之傳己酉仲春挾真指訪之足始跨門心已相照益自信直指所言不妄

海陵三仙傳一卷

藍絲關鈔本

○宋通直郎僉書鎮江軍節度

判官廳公事賜緋魚袋王禹錫撰

法藏碎金錄十卷○宋光錄大夫太子少傅上柱國澶淵晁迥著明嘉靖丙申裔孫琛跋後云法藏碎金凡十卷遠祖文元公天聖五年退居昭德里而作也公酷嗜靈

笈貝篇有得輒書故所述甚富

玉髓經十六冊○宋國師張洞元子微祕傳

玉髓真經二十一卷○門人正一君述

金丹辨惑一卷○劉太初撰

疑仙傳三卷

藍絲闌鈔本

○隱夫玉簡撰

丹房奧論一卷

藍絲闌鈔本

○學仙子程了一著并序

廬山太平興國宮采訪真君事實八卷○宋葉義問撰

至游子二卷

刊本

○宋曾慥撰上卷凡十有三篇下卷凡

十有二篇明嘉靖丙寅江東姚汝循序

道樞四十二卷

藍絲闌鈔本

○宋至游子曾慥集

洞仙傳一冊

藍絲闌鈔本

○

郎張君房撰進

元元十子圖一卷

藍絲闌鈔本

○宋路道通刊張與材序

中和集三卷後集三卷○元都梁清庵瑩蟾子李道純元

素撰門人蔡志頤編次杜道堅序

清庵瑩蟾子語錄六卷

藍絲闌鈔本

○門弟子嘿庵柴元臯定

庵趙道可實庵苗善時寧庵鄧德成蒙庵張應垣損庵

蔡志頤同編元至元廣蟾子序

三天易髓一卷

烏絲闌鈔本

○元李道純撰混然子校正

道德會元一冊

刊本

○元李道純撰

甘水仙源錄十卷

藍絲闌鈔本

○元夷門天樂道人李道謙集

天一閣書目

子部

卷

并序云我重陽祖師于金正隆己卯夏遇真仙子終南山甘河鎮飲之神水付以真訣自是盡斷諸緣同情萬有卽養浩于劉蔣南時等處者三年故得心符至道東游海濱度高第弟子道謙爰從弱冠寓迹于終南劉蔣之祖庭迄今甫五十載每因教事歷覽多方旣經所見隨卽記錄集爲一書目之曰甘水仙源錄錢梓以傳

鳴鶴餘音二卷○元虞集撰

大丹直指二卷○元長春演道主教真人邱處機著

至道元微一卷○元何南邱真人撰

大丹靈源元易篇一卷○元邱祖師撰

南丹三要一卷○元陳冲素撰并序末附金丹密語一卷  
陶宗儀撰

羣仙要語一卷○元董漢醇校正編集并序明宏治十七  
年重刊馮夔序翠虛子素庵老人後跋

武當福地總真集三卷藍絲關鈔本○元劉道明撰

七真仙傳一卷藍絲關鈔本○元彭志祖序云七真仙傳自河

內張邦直爲之張本北平王粹實增飾之太原李鼎又  
從而繼述之前後歷二十餘稔始克完備今翰林諸先  
生又各爲序引以冠其篇首

三元參贊延壽書五卷○元李鵬飛編輯并序云僕生甫



二周而生母遷于淮北壯失所在哀號奔走淮東西者  
凡三年天憫其衷見母于蘄之羅田自是歲一涉淮一  
日道出龐居士舊址遇一道人綠髮童顏問姓曰宮也  
問所之曰採藥與語移日清越可喜同宿焉道人夜坐  
達旦問其齒九十餘矣語其所以壽曰子聞三元之說  
乎時匆匆不暇叩後十年戊辰試太學至禮部少憇飛  
來峯下忽復遇其人貌不減舊始異之攜手同飲固詰  
所遇道人曰此常理耳余稽首請之曰人之壽天元六  
十地元六十人元六十共一百八十歲不知戒慎則日  
加損焉精炁不固則天元之壽減矣當寶嗇而不知所

愛當禁忌而不知所避神日以耗病日以來而壽日以促矣其說皆具見於黃帝岐伯素問老聃莊周及名醫書中其與孔孟無異子歸以吾說求之無他術也復爲余細析其說且遺以二圖余再拜謝畢復思前之所爲其可悔者多矣于是以其說搜諸書集而成編以自警也

劉宋二子四卷 刊本 ○明嘉靖三十五年李濂序云郁離

子誠意伯青田劉公伯溫所著龍門子凝道記翰林學士承旨浦江宋公景濂所著開封貳守賓巖何君二公之鄉人也乃合而刻之郡齋徵言爲序余攷劉宋二公

生丁元季劉公筮化邑丞鬱鬱不得行其志未幾海宇  
驛騷當路梓公參畫戎事屢有建明沮而莫用遂棄官  
歸隱青田山中而著是書曰郁離者文明之謂也其書  
凡十有八章宋公當元至正間以薦擢國史編脩官固  
辭不拜退而著書小龍門山中曰凝道者苟非至德至  
道不凝之謂也其書凡二十有四篇皇祖龍興二公並  
起而輔之賓巖君以毛詩魁南省其文章志節真二公  
鄉人也刻而傳之永彰厥美其亦曠世而相感者乎

徐仙真錄五卷○明正德辛酉知泉州府同安縣事後學  
新安朱徽序云徐仙真錄者洪恩靈濟二真君之行實

也奉祠之官方文照等彙而集之麗爲上下之編凡若干卷是書舊有刊本年久漫不可考適遇鎮國將軍孟城孫公景康奉命來鎮福唐都閩居無何躬謁真君子鰲峯之祖宮以嚴祀禮公卽取是編讀之忻躍贊嘆樂然捐資期在必刻以昭靈蹟于不朽甫庀工俾予言以識之予齋沐焚香披誦連日則知真君積功累仁極忠至孝慕道成仙利物濟人之真蹟悉載是編靡有遺缺亘萬古而不能泯也真錄詳備已成全書其端則有前福建布政司鳳陽麻公洎諸文人之序予不復贅

諸經品節十卷○明楊起元註豫章敖文禎序

內鍊延壽捷徑祕訣一卷

烏絲關鈔本

○明何府中著并序

古仙指南玉書賦一卷

烏絲關鈔本

○明羅達卿註并序

金丹節要二卷

盛絲關鈔本

○明張三丰撰

淨明忠孝全書一卷○明道錄邵以正錢梓扇胡濙序云

是書乃旌陽許真君所輯旌陽傳之玉真劉先生再傳

于中貢黃先生至丹扁道人而是書始行于世按旌陽

許仙翁爲晉有道之士嘗爲旌陽令故人以旌陽稱劉

真人宋時建昌世家玉真其自號也予閱其書所以相

傳之旨無非推明淨明之淵微與忠孝之大道其與吾

儒所謂正心脩身之大旨殆不少異焉嗚呼世之學道

術者率用力于脩煉之方以求長生久視曾不知淨明忠孝爲脩眞養性之本却步求前豈理也哉是書之傳有裨于人大矣洪武戊寅右春坊司直郎曾恕序嘉靖壬午邵繼禹後跋

保身節錄一卷○明嘉靖辛卯中嵩子識云暇時閱書偶獲保身節錄一帙內收呂真人道引法李僕射報應信法王重陽金丹訣郭璞妙理賦辭明理見非諸傍門小法遂錄梓以與天下共之

還丹發秘二卷附錄一卷

藍絲關鈔本

○明嘉靖壬寅三山散

人清還子少白鄭允璋著并序云伏念丹經浩瀚見者

每起汪洋之嘆多有苦其難而中止者蓋不知文字雖多而下手口訣只消數言可了也不揣凡陋將胷中所得撰成十章皆據經考證反復明辨無復藏掩俾觀者一目可了全書之旨一曰煉己之祕二曰二子時之祕三曰文武火候之祕四曰顛倒主賓之祕五曰乾坤互策之祕六曰大小沐浴之祕七曰六候之祕八曰三世佛之祕九曰直指神室之祕十曰通氣保精之祕尙恐產藥川源下手法象工夫次第或有未備更作金丹饒舌四百字四戒二百字畫眉序等詞下手口訣兩般作用之辨各一篇皆直洩元機非漫語也故僭名其錄曰

還丹發祕云

脩養要覽一卷○明邵徵撰并序

麻姑集十二卷○明嘉靖癸卯賜進士第知建昌府事朱廷臣緝并序云辛丑春出補盱郡凡縉紳祖道者莫不曰是行也恣收麻姑之勝矣洎入境公暇乃攜賓佐出郭四十五六里林麓紆迴溪流潺湲遠眺仙嶼縹緲雲漢挽車窮登周覽無際乃嘆曰真東南佳境也于是詔羽士訪遺事遂有攜二卷以進者覽之皆古今英遊之所題詠珠璣燦爛金玉鏗鏘咸足以泄山水之祕惜夫未久傳也予乃謀之沖谷陳子曰有美弗彰誠缺典也



蓋相與編摩錢梓以廣其傳時陳子暨絜齋李子澄潭  
方子同贊曰盛舉可無緩也于是攜歸郡齋命工繕寫  
但舊卷多出于羽流之所鈔錄實多亥豕乃屬陳子殫  
慮校正復詢于鄉大夫白窻鄭君廣搜博採以足其所  
未備首繪之圖昭其象也次綴以文發其蘊也象昭則  
形可稽蘊發則妙可見蓋有不待親登而麻姑在吾目  
中者矣

臞仙運化元樞八百六條

卷首有涵養齋清  
白傳家二圖章

○明涵虛子

臞仙撰并序

救命索一卷

刊本

○明涵虛子臞仙撰并序云凡人脩道

者但無夢便是明心不死便是得道只此二事便是實  
躋聖地工夫其真與閩域備見神農龍虎古經內設詞  
問答上下二卷學者當究之今錄初階築基鍊己之法  
以遺學道者爲救命之索云

命宗大乘五字訣內丹節要一卷○明雁仙著

紀錄類編五卷○明熊釗編輯

觀化集一卷○明粵西朱約信撰門人洞泉子校刊袁福  
徵序云聖天子周恤庶民爰欽明勅命部使者分馳諸  
省于是福徵有粵西之役比莅境官署言暇廼得晉緝  
紳先生學士大夫于庭相與暢言敷議大都有雅致中

多稱弄丸公弄丸公者逃耳盛名未克言觀越翌日造  
第請謁承諭升堂得見公爲人瀟然玉立又明日乃得  
公所著觀化集讀之始得不言之意出所聞之外者間  
謂予爲知言下命以序弄丸公海內皆稱爲雲仙弄丸  
則寓意云爾所著別有詩集

金精直指一卷○明成化十二年武昌唐瓚識後云右金  
精直指註論一書乃吾先祖諱音字仲節號拙菴先生  
以書經領水樂鄉薦爲教諭爲教授陞唐府左長史丁  
內艱起復選曹承冬官檄往山東推督公務事竟方伯  
以白金四十爲贖吾祖徂而不受恐忤其意乃謁東魯

先聖廟蓋以所受充爲蘋藻之獻究之聖公深嘉吾祖  
之行遂以是書見遺授之于人歷皆有驗後吾祖改四  
川敘州府同知欲刊勿果今吾忝令慶雲捐俸綉梓以  
廣其傳云

延生至寶二卷○明欒城後學馮相編集并序云日取悟  
真篇參同契活人心三元參贊養生雜纂等諸書混而  
觀之然篇帙浩瀚不能悉記且無以肆力于舉業及成  
化丙午僥倖鄉舉人事益繁遷延至今宏治己未忝登  
甲科分署之後頗得平閒第恨無創始之才徒取諸書  
百家之有益于人者門分而類析之除繁就簡萃爲一

書使固志于延生者覽而行之其於遐齡之享未必無毫髮之補也

靈劍子一卷

朱絲關鈔本

○旌陽許真君述

靈劍子引道子午記一卷

朱絲關鈔本

○同上

旌陽石函記一卷○明三一居士邵輔著并序

陳虛白規中指南二卷○上清院主野朴山人李景先誠云規中指南一書乃真放道人虛白子沖素陳仙師所撰仙師道成于武夷昇真元化洞天深淵後學而作是書僕得之太和山至虛宮含真黨師授之于東和希古劉公講究問觀書中之句以正心誠意作中心柱子其

繇繇元牡赫赫至神灑灑元精則頓然而有主宰于心口之間曰規中指南惟真中至靜而已矣

金丹正理大全四十卷○上陽真人弟子明素蟾天琮序云乙卯夏五際遇我師紫霄絳宮上陽真人于方壺天中解襟傾蓋歡如平生時以去就匆匆莫究衷蘊既而候紫氣追隨黃鶴至交泰別館叩首上請盡授所祕我師駕拯溺之慈航仗斬邪之慧劍紹隆丹陽正傳之脉發泄青城玉祕之文明前代所未明說古人所未說僕懼學徒不察真師之用心將聖諦元章作泛常看過非徒無益而生惑或乃興謗而自棄因述己所遇而爲之

序

上清靈寶濟渡大成全書四十卷○林靈素撰周思得重

脩

武當勝記一卷

藍絲闌鈔本

○龍興路雲麓樵翁羅廷震撰

攝生要義十篇○河濱丈人著并序

元神幾釋義一卷

藍絲闌鈔本

○交蘆子註釋并序

南嶽九真人傳一卷

藍絲闌鈔本

○奉議郎騎都尉賜緋魚袋

廖僊撰

華陽陶隱居傳三卷○薛蘿孺子賈嵩撰

祿嗣奇談一卷○泰和沖一真君撰

脩真祕錄一卷○前商州豐陽縣主簿符度仁纂

崔公入藥鏡註解一卷○混然子註

劉子二卷○明李先芳校并序

劉經一卷○明俞大猷編著

妙道要畧一卷○真人鄭思遠撰

丹方鑑要三卷○紫閣山叟獨孤酒撰

指歸集一卷藍絲關鈔本○高蓋山人吳悟撰

河圖金丹祕訣一卷鈔本○蟾月抱一先生吳道淵撰愚

拙老人王道淵續錄

服氣經訣歌論銘錄七卷○桑榆子評



龍虎還丹訣頌一卷○淳和子撰谷神子註明顧學可序  
條養輯要三卷○仁所居士集明嘉靖吳思立序

還金術二篇藍絲關鈔本○陶埴撰

陶公還金術三卷○明武林三一居士邵輔註并序

金丹百問一卷○李光元述

心書九章○趙古蟾真人撰

南嶽金丹暢旨一卷○朱陵洞天三茅庵青霞蔣真人撰

金闕選仙舉進士天谷傳羅浮放鶴野人周應文受

上天至寶一卷○秋潭劉真人撰

紫府奇元金丹正宗一卷○混成胡真人撰

晉真人語錄一卷

藍絲闌鈔本

丹陽真人語錄一卷

藍絲闌鈔本

○靈隱子王頤中撰

無爲清淨長生真人至真語錄一卷

藍絲闌鈔本

○泰和壬戌

雙溪虛白道人韓士倩序

盤山棲雲王真人語錄一卷

藍絲闌鈔本

○門人論志煥編次

清和真人北游語錄四卷○弟子段志堅編

元珠錄二卷

藍絲闌鈔本

○王元覽法師口訣

混俗頤生錄二卷

藍絲闌鈔本

○茅士處士劉詞撰

元陽子五假論一卷

藍絲闌鈔本

元珠心鏡註一卷

朱絲闌鈔本

○王屋山樵長孫滋巨澤傳棲

真子王損之章句

道法宗旨圖衍義二卷

藍絲闌鈔本

○鐵崖邵柟以正纂圖元

大德己亥養吾輩希賢師亮衍義并序

元靈備要二卷○沖虛道人靈陽子撰棲山道人得陽子

註湘江復陽子曹洞清釋

清虛元規九十五條○無名氏序云清虛大帝申見碧撰  
大晉金門羽客真人蓬陽羽客真人後裔林安靜金安  
順備駕關房於涪山之陽東華仙翁時有宿緣廣爲開  
演元祕各授門人數人題門之額曰清虛關房將齋其  
心特令見碧及玉蟾真人爲立元規云

抱一函三祕訣一卷

朱絲闌鈔本

○嗣全真正宗金月巖編嗣

全真大癡黃公望傳

存神固氣論一卷

朱絲闌鈔本

○嗣全真正宗金月巖編嗣全

真大癡黃公望傳

攝生纂錄一卷

朱絲闌鈔本

○嗣全真正宗金月巖編嗣全真

大癡黃公望傳

養生祕錄一卷

朱絲闌鈔本

○嗣全真正宗金月巖編嗣全真

大癡黃公望傳

谷神賦一卷

藍絲闌鈔本

○天水逸人大信註

節解補畧一卷○孫宸洪著

大元首測衝錯攤瑩注二卷

藍絲闌鈔本

○襄陵許翰註

翠虛篇一卷○泥丸陳真人撰真息子王思誠序

會真集五卷

藍絲闌鈔本

○超然子王吉甫撰楊志朴序

養命機關金丹真訣一卷

朱絲闌鈔本

○不著撰人名氏

大還丹照鑑一卷

藍絲闌鈔本

○不著撰人名氏

丸經二卷

藍絲闌鈔本

○不著撰人名氏後跋云予壯遊都邑

間好事者多尙捶丸攷諸傳記無聞焉以爲世俗博奕之餘技耳近得丸經二卷始自戰國見諸莊子之書其文有承式崇古決勝出奇知幾知人等章凡三十有二措辭簡要頗類諸子遺書固非淺陋者之可與同年語

也

陰丹內篇一卷

藍絲關鈔本

○不著撰人名氏

中黃真經二卷調氣經

二卷服氣口訣二卷莊周氣訣解

一卷

藍絲關鈔本

○不著撰人名氏

脩真元章一卷

藍絲關鈔本

○不著撰人名氏

海客論一卷

藍絲關鈔本

○不著撰人名氏

三洞樞機雜說一卷

○不著撰人名氏

啟真集二卷○不著撰人名氏

元門八道資糧一卷○不著撰人名氏鹿園精舍集刊

按摩法一卷

藍絲關鈔本

○不著撰人名氏

西川青羊宮碑銘

藍絲闌鈔本

○不著撰人名氏

自然集一卷○不著撰人名氏

天寶還丹了訣圖

藍絲闌鈔本

○不著撰人名氏

氣圖一卷○不著撰人名氏

元覽一卷

藍絲闌鈔本

○不著撰人名氏

枕中記一卷

藍絲闌鈔本

○不著撰人名氏

金石簿五九數訣一卷

鈔本

○不著撰人名氏

上清握中訣三卷○不著撰人名氏

道藏經十三冊

藍絲闌鈔本

○不著撰人名氏

道藏目錄四卷

藍絲闌鈔本

○不著撰人名氏

二篇同卷

藍絲闌鈔本

○悟真篇魏伯陽撰太虛心淵篇不著

撰人名氏

二篇同卷○太清經斷穀法太上肘後玉經方俱霞栖子  
盧遵元編

二篇同卷○神仙服食靈草菖蒲丸方上清經真丹祕訣  
俱不著撰人名氏

二篇同卷

藍絲闌鈔本

○元珠歌通元先生撰心鏡註衡嶽真

子註

二篇同卷

藍絲闌鈔本

○太清玉碑子晉葛稚川述懸解錄漢

劉泓述



三篇同卷

藍絲關鈔本

○靈草歌種芝草法俱白雲仙人著

二篇同卷

藍絲關鈔本

○太丹記魏伯陽撰丹房須知高蓋山

人自然子吳煥述

二篇同卷

○純陽真人

沁園春丹詞註解不著註家姓名

青天歌註釋林屋山人全陽子撰

一篇同卷

○金石簿五

九數訣上清九真中經內訣俱不

著撰人名氏

二經同卷

○太上洞房

內經註不著撰人名氏陰真君還

丹歌註周真人撰

二經同卷

藍絲關鈔本

○太

上老君元妙枕中內德神咒經黃

庭遁甲緣身經

三篇同卷

藍絲關鈔本

○陶真人內丹賦擒元賦金丹賦大道

弟子馬涖昭註

三經同卷○紫庭內秘訣脩行法不著撰人名氏太上老君大存思圖註訣進延壽赤書表唐裴鉉上

三經同卷○太上大道經都梁參學清庵瑩蟾子李道純註太上赤文洞古經龜山長筌子註无上赤文洞古真經李道純註

仙家四書

脩真十書

藍絲關鈔本

○鍾呂二先生脩真傳道集三卷脩真

捷徑七卷純陽真人呂巖洞濱集 卷雜著指元八卷

瓊瑤白玉蟾上清集八卷盤山棲雲大師語錄一卷張

平叔悟真篇集註五卷白先生玉隆集六卷黃庭經一

卷金丹大成五卷

洞元記傳

朱絲闌鈔本

○洞天福地嶽瀆名山記一卷唐廣成

先生杜光庭撰梅仙觀記一卷仙壇觀道士楊志遠撰


金華赤松山志一卷松山羽士竹泉倪守約撰仙都志

二卷玉虛住山少微陳性定撰天台山志一卷龍瑞觀

禹山人撰陽明洞天圖經一卷宋翰林學士李宗鶚撰

四明洞天丹山圖詠一卷唐木元虛撰賀知章註南嶽

總勝集一卷不著撰人名氏



共計八百八十種一萬二千五百四十五卷